

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL Bahri, Süleyman
248 Hare
B237H3

1685

18/626

سليمان بحري

خاره

ناشرى

شفق كتابخانه سى صاحبي

نظرت

۱۳۲۹

Bahrī, Süleyman

تکامی حکایہ

سلیمان بحری

خارہ

Hāre

ناشری

شفق کتابخانہ سی صاحبی

نظرت

اوینا تمق حق ناشرینہ عائددر .



درسعادت — نجم استقبال مطبعہ سی



باب عالی جوارنده ابوالسعود جادہ سندہ نومرو ۲۷

۱۳۲۹

PL
248
B237 H3

اشخاص

عائله رئيسهسى	سالمه خانم
سالمه خانمك برادري	رفيق بك
رفيق بكك زوجهسى	يخان
سالمه خانمك قيزى	نوره
نوردهنك زوجى	مجبب
سالمه خانم ورفيق بكك يگنى	شكيب
نوردهنك اوطة خدمهتجيسى	كافم



برنجی پرده

برنجی مجلس

« نویره ، یخان ه رفیق بك ، شكیب »

[جاده بوستاننده برکوشکک بیوک، ساده مفروش سالونی...
وقت ، کیجه .

بر آرزو صاعده واورتمده قیمتدار برقش ایله مستور، بیوجک
بر ماصه؛ اوستنده ، صحیفه‌لری آچیلش موده غزته‌لری ، بر قاج
جلدسز کتاب . قوردونلری ماصه‌نک ایاغنه مربوط بر الکتریک
زبلی یووارلاغی... اطرافنده بر قاج قولتوق و صندالیه ؛ صولده:
موملری یانان بر پیانو ؛ نه‌تأثری اوزرنده بر نوطه دفتری آچیق
بولنور .

اوطه‌نک قارشیکی جبهه‌سنی تشکیل ایدن، طرفیننده ایکی بیوک
پنجره اولق اوزره بر بالقون قپوسی آچیق طورور .
دبشارده قمرک صولق ضیاسی بالقونک دمیر پارماقلقاری
اوزرنده اویناشیر .

نویره: بالقون قپوسنه یقین، اوموزلرنده برهندشالی، دیزلرنده

برانکلیز اور توسی، برشہز لونگہ اوزامش بولنور؛ خستہ و صولفون
 کورینور؛ صول النی باشنہ دایادینی ایچون چہرہ سی کورونمز .
 یخان : پیانو چالار . اوستندہ افلاتون موصایندن یاسیلمش،
 قولاری قیصہ بر نوع پہنووار واردر . آویزہ نک ماویمتراق ضیاسی
 آلتندہ صاچلرینک آرمسندہ اینجیلرلہ ایشلی سیاه باغہ طراقلری
 یارلار . کوزلر نوطہدہ ؛ الماس یوزوکلری ایش-یلدایان یارمقاری
 قلاویہلر اوزرنده حرکت ایدر .

رفیق بک : اورتہ بوبلی، طیقناز بر آدم؛ دائماً طراش زمانی
 کچیر . کوزلرنده نیکل بر کوزلک . آرقہسندہ اوزون یوللی بر
 کیجہلک انتاریسی ماصہ باشندہ ، شکبک مقابلندہ ؛ النده یومی
 غرتہلردن بری مطالعہ ایلہ مشغول اولور .

شکبک : یوکسک برصندالیہدہ ماصہ باشندہ اوطورر؛ النده کی
 کتابی اوقومقلہ مشغول، دالغین بولنور..

پردہ : آغیر آغیر پیانونک پست پردہلریلہ میریلدانان حزین ،
 سودا آمیز برملودینک ترنمات احتضاریلہ آجیلور . وآهنگ برمدت
 دوام ایدر.]

یخان

- قوللری یانلرینہ بی تابانہ براقہرق
 دوشونور، تخیل ایدرکی برحالہ،

كندی كندیڭ سويلنىر :

— اوخ، اعصابم اويوشدى !.. موسيقينك بوكونارده غريب
بر تأثيرىنى كورييورم .

— بردن توجيه خطاب ايله لطيفه جويانه —
نويړه ! . نچون سكوت ايدييورسكز ؟ . فقط شكيب ! فصل
عالم خياله مى طالديكز ؟ . . . شكيب اويويوره يسكز ؟ . . هله بك
غزته لرده نه وار بيلمم ، كه ! ! .

شكيب

— يورغون كوزلرني قالديره رق :
— ها ! . . قاديئارمى ديديكز ؟ . . برثاله كه اك كيزلى
اك نازلى رنكلردن ، نفحه لردن تيتتر . .
— ايكي قادين متعجبانه باقارلر —

فقط . . .

— بيخانك يوكسك ، نويړه نك خسته
قهقهه لريله كندىنى طويلايه رق —
ا كلنمه ييكز رجا ايدرم ! . نه اوقودىغمى صورييورديكز
دكلى ؟ چانديغكز پارچه . . . صاچار ييكزدن فيضان ايدرك
صيجاق كوزلرده روجه بره غارده نك سرين ظلمتارنى اوفله ين ضيا . .
— رفيق بك بر آن غزته سنى
براقه رق شېهه لى شېهه لى شكيبه

باقار. شکیب سوز سويلکه باشلا دینی
زمانینه مستهزیانه غزته سنی اوقومغه
دوام ایدر۔

بیخان

۔ اوو! . . . اوو! . . .

شکیب

۔ اوت . . . بولند رؤیای شعر و صنعت ایچنده . . .

۔ لطیفه کارانه :

بی معذور کوریکزینکه حکم ، میلیونارجه با کره نك خطوات
یأس و امیدینی تعقیب ایدیور کبیدم . . اوقدر مشغول ایدم که
نا کهانی خطابکز خیالمک بتون بولوراتی خرد و خاش ایتدی . .

رفیق بک

۔ مستهزیانه غزته سنی دیزلری

اوزرینه ایندیره رک ۔

۔ ها . . ها . . بر آز دها . . شمدی عثمانی چاغیره جغم . . .

تیمارخانه یه تیمارخانه یه . . .

بیخان

۔ مستهزیانه :

۔ مثلا منور خانمک نازک آدیملری دکلی ؟

شکیب

- متیجاھالانہ :

- کیم بو ؟!..

نورہ

- مستہزیانہ :

- صیحیحی ؟

شکیب

- ها ! . . شو قومشو قیزی می ؟ شوکا کیجه قرالیچه سی
دیکز .

نورہ

- بکنمیورمیسک ؟

شکیب

- بالعکس . . . برملکئ سودا !..

یحان

- اوو ! . . اوو ! . .

شکیب

- تقدیر ایتیمه یممی ؟ هم دون کورسه یدیکز . . افلاطون
برتوالت، سراپا فلاطونی براساطیریت . . باغچه نك چاقلارنده
صانکئ یورومیوردی . . . اوילה برچایدی، که بر اورمانك یشیل
کولکئ لرندن، کیکار . چیدمار آره سندن جریان ایدیوردی .

رفیق بك

- غزته سی بر آز انخراف ایتدیردرک:

- قرق يياق يورودىكى بىلدىكىمىز انسانلارنىڭ آقايغىنى ھېچ
 ايشتمەشمىدۇ . . . واقعا ، قاديىنلارنىڭ اوچدقارنى بىلىم . مثالا :
 برچىقى تاللى . . . آز كۆپك اوچورماز ؛ آز فستىق ھوالتىدىرماز .
 نۇرە

- مەستىزىيە :

- وسن ۰۰۰ ؟

شەكىپ

- كۆلەرك :

- و بن . . . بومەصوم چايك زمزمەسىلە

- تىخىف بر طرزىدە تاللىغىنى ئىدەرك :

مەست اولمىشىم . . . فەزۇلىنىڭ قەينالى مەشوقەلىرى يەنى
 بىكى ادەبىيەت تاللى پوللى ، خەيرى بر بىك . . . برىسالىون
 پەست شاعىركى روئەتتە كۆرە . . . بر قۇتۇق قەينالى آچارسەكەز
 درخالى ئىچىدىن بىرىغىن ئىپك تولى فەشقىرى . . . تەنقىسەكەزە بەر
 چىچەكلىرى قارىشىر . . . فقط ئالدىن ئۆتەلەيلىكىزى اوزاتمىكىز ! . .
 چۈنكىكە باشىدىن باشە ئىكەنلەلە مەسلىدەر .

- باشى ساللايەرق :

اوخ قاديىنلار . . . قاديىنلار ! . . براوو اى شاعىرخەردەكار !

رەفلىق بك

- يەنە عىن وضعىتتە :

- يەنى ئىدىم ، كەسەندە ، اودە شەفاخانىلەكسەكەز .

شکيب

- عمیجه ! . . . هایدی دیدیککیزی قبول ایدلم . فقطینکمه
نهدیه چکسکزی ؟

رفیق بک

- بجه . . . بیلم . . . بالخاصه بوغام و غومدن برشی
آکلا یه مدیغمی اعتراف ایدرم

شکيب

- برطور جدیتله -

فقط . . . براقیکز بولطیفه لری . . . اونده کی استعداد
موسیقارک . . . یاردون موسیقی شناسانه نک حیرانی اولماق قابیلدر ؟
- لطیفه جویانه -

بو یارماقارده سحر می وار بیلم ، که . . . بلکه واغنه ر...
- یخانک اوموزلرینی سیلکدیکنی
کوردرک -

ها ، سومز سکتر ! . . . آه اومعلمه ، اوما مز دل استرادیالا
یاخود قوردللا ! . . . هپ بو فاجره نک . . .
نویه

- تیکدیر کارانه -

- شکيب ... !

شکيب

- یاردون . . . فاضله نک تاقیمنی دکلیدر که زوالی آلمانی

مزارنده بيله تعذيب ايدر .

- نوره اسكى وضعيته عودت

ايدر؛ بخان اوموزلرني سيلكرك

«زوزك» ديمك ايستر -

نصل خوش-كزه كيتمديمى ؟ . . . ايواه . . . بنسه افكار

وحسياتك برقادين ذوقنى قيرميه جق قدر زاهتنه حكم ايدردم .

رفيق بك

- النده كى غزته يى ماصه اوزرينه

براقير؛ كوزلكىنك اوستندن باقهرق

مستزبانه -

- قيراريا.. قيراريا... اولا بالورلر، مغارلردن باشلادك.. صوگرا،

كوروكلاهك .. هى كيدى سالون اديي ! .. سنك خيالك فيجا نجي

مغازه سيمى به آدم؟ .. برده زواللى بخانه فترا ايدى ورسك! .. قيرار-

سك يا! .. يالكىز او قيرماز ؛ بر كدى يوموشا قلغيله، دقتيله .. بنم اك

نازك. اكايجه دامارلر مده جريان ايدردنه قيرماز؛ هله سسى ..

يالان .. يالان ... برطوپ كولله سسى دكلدر بكا « بك!... »

دييه خطاب ايدر كن بر قوزى مهله يور ظن ايدردم .. او حلدنه سنك

ده ، طمعكار يهودى اومردار چاقارلرني قيرماز !.

بخان

.. او ! .. فنا التفات دكل ! .. ايسته اون اوچ سنه لك بر حياتك

تارنچچه سسى .

رفیق بك

- قیز دردمی ، بر آز قبا اولدی دكلی؟ فقط ضرر یوق...
 صحیحدر، حقیقی در... هم سن صاغدیغك اینكك قاج اوقه سوت
 ویردیكنی بك اعلا بیلیرسك... باق آرقه کی دونیورسك.. سكا
 آجیرم یخان ، .. سن ، كه بك ذك ، تجر به كار بر قادینسك !..
 اینامه !.. اینامه !.. شیمدیکی گنجار.. شو جیایز نسل هر خصوصده
 اولدیغی کی عشق خصوصنده حیللی، متردد ... نصل دیهیم..
 میریل میریل ، اینجه اینجه یالانیرلر .. فقط بن !.. سكا « سنی
 سویورم یخان! » صو کرا ، یالیزدن ، ریادن آزاده « جانك
 ایچیسك ! » دیدیکم زمانه صانکه یورکدن ایشته اصل شکیک
 غنجانلری قیران برکومورتو ، بر آرسالان کو کرمسی ایشیدیلیر!

شکيب

- مستهزایانه :

- فقط اونوتیورسکیز غمجه !

رفیق بك

- مستهزایانه -

- نه بی؟

شکيب

- شونی ، كه ... قادینارده سزك ظن ایتدیككیز اوجیایز
 نسلندر، شیمدیکی گنجار دندر... سز بویله فوق الطبیعه کو کره مک

كوپورمكه نصل بنم فنج-انارمى قيرپورسه-كز . . . باخصوص
اونارك ...

رفيق بك

- خير... اوناره برپانو ... - متفرايه - خير، خير بوفرنك
داوولى دكل ، برطنبور ، برعود سسى كې كلير .
- كوزلرني قيرپه رق -

هم سن نه كلارسك ياوروم ! صاحى قدر تجربه كار ، اسكى
برقورد قارشيس-نده بولنديفكي اونوتيورسك ! باق ينكه كه ! . .
ينكه كه باق ! .. اسكى فورطنه دن برار قالدیمی ؟ باق كوليور ! .
وقورناز منونيتنى يالانجى بر-حدتله كيزاهمك ايس-تيور . دكلى
يخان ، سنى برآز آكلارم دكلى ؟ ...

يخان

- منفعلانه -

- برآز دكل ، پك چوق ! ...

رفيق بك

- نصل شكيب كوردكى قادينارك طاسىنى ؟ برقادين بجه اويله
غريب برمخالو قدر كه مملرني طيرمالايان چو جقاربينه پرستش ايدرلر...
چونكه اونار چيمديكلنمك ، طيرمالانمق ، ايص-يرملق ايچون
يارادلمشاردر... بناءً عليه هرقادين كوكمى ايچون براركك مشته سى ،
براركك وحشتى ايستر ... مثلاً : قادينار سواقه چيمديكلنمك

ایچون چیقارلر ... ائ غایه لک یرلرده برچوق عجله جی قادینار
کوررسک ... ایشته واپورلر .. قادیناره دقت ایت، نه اول ؛
نه ده صکره چیقارلر .

- پارماغی صالایه رق -

وایشته بلاستئنا قاین بودر: قپوسز بر او، جامسز بر پخیره ...
یا خود کیلیدسز بر قپو ... پخیره سز بر جام ...
شکیب

- بر قهقهه قوپاره رق -

- نصرالدین خواجه نك تربه سی ! ..

نویه

- تحف بر تبسمله -

ایشیدیلمه مش فاسقه لر . . . بکا قالیرسه قادینار کیمسه سز
هنرلردر .

شکیب

- خیر . . او مزارلر اوستنده کی طاشک کتابه لری

یخن

- خیر .. او مزارلر اوکنده آغلایان والده لردر . . . زواللی
قادینلر ! . .

رفیق بك

- بر قهقهه قوپاره رق -

- اوده دکل، بوده دکل ... او مزارلر ایچنده کی جنازه لری

بیقایان اللردر . . . واصل اركك ایچونده شایان تساییت اولانه
جهت . . . بوچیرکین اللری تیکشیر ایتمکده در .

نجیب

- بالقوندن نمی کلیر :

- سزه اعتراض ایتک ایستهم . . . فقط نجبه قادین بتون
بومزارلرده حیات ویرن قوت . . . بر ابدیتدر

رفیق بك

- معدده سنی اوقشایه رق :

- بیله مدك ریاکار . . . هاله معدده می هیج بیله مدك ! . . .
اوف نه صیقنتی وار ! ! . نه قدر صیجاق ! .

- ماصه نك اوزرنده کی صراحیدن

بربارداق صو ایچهرک :

ایشته . . . بویله، هاله حرارت باصدینی زمان . . . قادینه
بربارداقدر.. اونکله یالکیز صو ایچیلیر، حرارت باصدیریلیر. . .
بو قدر . . . کریسی زوزکلك ! .

- آیاغه قالق-ه رق قپویه توجه-ه

ایدر . . . چیقارکن :

بر آزده آشاغیده . . . مع مافیه سزه بول بول مساعده .

- شکیه خطاباً :

سن فنجانارکی قیر ، . . . اونار داوول چالسینار . . . بنده

بر آز آتلی دیکلیهیم . . .

- چیقار -

— ایکنجی مجلس —

« شکیب ، یخان ، نوره »

یخان

— اوت ، کیت آتدرکه ، کوپکدرکه مشغول اول! ..
برقادرین سنجه بلکه اوندرک یم قوطوسی بیله اولمغه دگزر! ..
— کریهلی برسلاه —

بعضاً آغلامق، آغلامق ایستیورم .. احتمال بوبر آزده بنم
قباحتیم... بر ارککه حس حرمت ویره مه مکده آزعجز دکدرآ!
نوره

— فقط ظن ایتم، که ... عجه می بر آرمحق ده بولیورم..
نه یاپسین ؟ تبدیل طبیعت ایده مزدی ... سز ، ینکه ... طبیعی
بیلیرسکز... عجه مک دبی نه قدر اگری ایسه قلی اوقدر
دوغریدر .

یخان

— منفعلانه —

— اوخ ! .. اوخ ! .. شوشمدیکی حقیقت : شوآنده کی

وضعیت کبی ؛ او بنم زوجم ، بن اونك قاریسی اولوق قدر . . .
صو کرا . . . طبیعی بونجه نه قدر آجی ، جانخراش خاطره لرله
مجر بدر . . . بنی سویلمه یك رجا ایدرم . . . بواك زیاده بنی اوزر . .
هم نه یه یارار ! ؟

شکیب

- ديلك قلبه مربوطیتی ده آز فضیلتیمیدر ! ؟

نوره

- تکی رکارانه -

- یانغینه کوروکله کیدیورسك شکیب ! . . .

شکیب

- بر عرب صاچی ! . .

یخان

- طارانه مز ، آچیله ماز دگلی ؟ . . او حالده . . . یولمالی ، یولمالی

- آیاغه قالدقهرق بالقونه توجه ایدر . . .

قپوسنك او کمنده طورر . . . دیشاری بی

سیر ایتمکله مشغول اولور -

نوره

- منفعلانه باشنی صالایه رق :

- سن اوندن دها اینجه میسك شکیب ؟ . . عمجهم « جیلین نسل »

دیورودی ؛ حق وار . سنك توهم ایتدیکك ظرافت ، اینجه لک بر

ییلان ایصلیغندن آز می مدهشدر ؟

شکيب

- کولەرك -

- او ، تيزه زاده . . . بن سکا نه ياددم آجانم ؟ ارککار
ايچون ، ايسترسه قادينار حقسنز اولسون ، اولاري مدافعه ايتمک
پر وظيفه دکليدر . . . قالدی ، که ينکه . . .

نويه

- رياجی ! ...

- ديشاری يه حايقيره رق -

بك ايچري کلسه که ! .. آرتق بو اختلاجی دن بيقدق ...

محيب

- بالقوندن سسی کليز -

- بندن ده بيقامق ايچونمی ؟ ... ذاتا بن ده مختلم ! ..

شکيب

- متبصبصانه -

- سکا برافسانه اوقويه يم می ؟

نويه

- باشنی چويره رك -

- ايسته يم !

شکيب

- يخانه خطابا -

- سز .. ينکه ... تخف برشی !

يخان

- باشنی چويره رك -

- سزی ديکليورم !

شکيب - اوموزلريني قالدیره رق
تحف برطرزده -

بردرخت اوستنه چيقوب قارغه
پنيره چالمق ايستيوردی غاغه
آنی برتيلکی کورمه سيله همان
آندی زیر درخته

مجيب - بالقوندن سسی کلیر -

- شکيب ! .. سزی تيزه کز چاغیریور .. فناره اينه جکلر -
مش .. یخن خانمک رفاقت ایتمک ايسته یوب ايسته مدیکی صورولمور!
- باغچه ده ایری برکوپکک مسرور
حایقیریشی، بر حیوانک بورنندن
نفس آلیشی، مختلف سسلر، بر
آرايه نك ايجه قوملر اوزرنده
حرکتی طویلور -

ساله خانم

- باغچه دن سسی کلیر -

- شکيب ! .. سنی بکلپورز . . یخان خانم، کامزمیسکیز ؟
باقک مهتاب نه قدر کوزل ! ..
- رفيق بکک اوشاقلره ویردیکی
امرلر ایشیدیاور -

پیکر شالمی اونوتمه ! .. اوو . . آرايه بوش قالدی . .

شکيب کاسه که ! بخان خانم سزی بکلیورم . . فناره قدر
کیده جکز ! . .

شکيب

- بالقوندن سالمه خانمله قونوشان،
اعتذار ایدن بخانه ، شهزلونفی
اوزرنده اوزانان نویره ره وه
رانسار یاهرق حایقیرر :
- کلبورم .. شمدی بنم کوزل تیزه جکم .. بکله یکه ها ! صوکرا
آرقه کزدن باقه قالمق بر آرز غریب اولور ! . . .
- تلاشله صحنه یی ترک ایدر -

رفیق بک

- سسی کلیر -
- بخان کلزمینسک؟ آرابه ده سکاده یرمزوارا . .

بخان

- خیر ، خیر . . باری کیینسه یدیکز .. بویه انتاری ایله ! . .

رفیق بک

- برقهقهه قویاره رق :
هو پالا ! .. بنی کیم کوره جک آبول ؟ .. کورسه بیله نه چیقار ؟
- آشاغیده آرابه حیوانک قوتلی
ایاق ضربه لر یله حرکت ایدرکن :

ساله خانم

- سسی کلیر :

- نویره ! . . . هواده رطوبت وار . بر آزده سرین . .
کندینه دقت ایت یاوروم ! . . . مجیب بک، قیزی سزه امانت
ایدیورم ! . . . بر آز کچجه دونه جکز غالباً ! . . .

مجیب

- بالقوندن :


- ایرکن دونه کزی توصیه ایدرم . . . هوا بوزوله جق کبی
کورو نیور . . . ایصالنه جقسکز !

رفیق بک

- دیشاریدن حایقیره رق :

- شکر دکلز ! ...

- دیشارده، باغچه نک بیوک قپوسنک
قاباندینی ایشیدیلور؛ ایری بر کوپک
بر سلام تشییع ایله حاولار؛ بر اوشا
غک قوملر اوزرنده آغیر قوندوره.
لرینی سوروکلیهرک عودت ایتدیکی
طوییاور . . . سکونت باشلار ..
اوزاقدن اوزاغه براسحاقک او توشی
ایشیدیلیر؛ یحان بالقوندن سالونه
عودت ایدر -



— اوچنچى مجلس —

« بىخان ، نۆپرە ، مېيىب »

مېيىب

— دوداقلرىنىڭ آراسىندە بىر جىغاره

اولدىنى خالە بالقوندىن ئىچرى يە

عودت ايدەرك —

— راحتسىز مېنىڭ نۆپرە ؟ اوشو يۈرسەك ...

نۆپرە

— خىر ... ھېچ بىر شىئە يوق !.. بەعضا بىلەيمىسەك ، نەقدەر

شەقىق اوليورسەك ! فقط سىز بۇ ئىككىز بىك بىلەم نەدىن تەئىر

ايدىيور ! قابىدە بابامك آجىبارىنى تىكرار خىس ايدىر كى اوليورم .

سانىكە يىمىلىكى تىكرار يىشايورم . . . اويلە بىر دوداق ، كە بى

بوسەلر يە زەرليور .

مېيىب

— كرىيەلى بىرسەلە —

— سىكا اضطرابى وىرىيورم نۆپرە ؟

— يا قلا شەرق زوجه سىنىڭ ضەيف

الارىنى طوتار —

بىر آز حرارتك وار ! قىلمەدىن امىن دىگىلىك ؟ سىكا بەعضامى

شەقىق اوليورم ؟ بىنن شەبە ايدىرمىسەك كوزەلم ؟

- آجی برتسمله -

بیخان خانم بکا معاونت ایدیکز!.. نوره ده ینه آغلامق ،
آغلامق ایستهین بر تأثر وار .. یاخود چیمدیکه مک ایستهین
بر عزیزلک !

بیخان

.. بر آز صاری ، تتردک الریله
نورمک صاحارینی اوقشیهرق -
- ینه نوبتی کلدی ؟ .. ایسترسه کز اوطه کزه قدر سزه
رفاقت ایدهیم !

- مجیه خطاباً -

بو بر آزده بنم قباحتم .. موسیقینک بعضاً خسته سیکرلره
تأثیر ایده چکنی دوشونمایدیم .

نوره

- صولغون یناقلارینی قیزاران بر
حالت روحیه ایچنده -

- یا کیلیورسکز ینکه! پیانو احتماله سیکرلرله طوقوندی..
فقط حیاتمک اک حساس برکیجه سنی یاشاندی .. مستریخ اولکیز!
اوزولمه مجیب! هیچ برشیئم یوق .. دیشلدم : بعض
دقیقلر، اونوتولماز دقیقلر اولورکه برزقوم چیچکی کی نظرکزی
اوقشار .. دکلی مجیب! سنی قوقلیورم ظن ایدرم !

محبوب

— کولهرك —

— فنا التفات دكل ! . . فقط دوداقلرك اوقدر كوزل ،
كه . . . اوانارك پنبه انقلاقلرى اچنده كلمه تحقير بيله يشيله نير . . .
كوليورسكز بخان خانم ! . — تترهك برسسه — هرشيئه رغماً
زوجه مه پرستش ايتديكمى اكلایورسكز دكلی ؟ . . ابدی ، بررؤیا
كی دماغمی اوقشایان ، شكلار ، خیالار ، طاسمار ، یاپان برعشق ! . .
نویره

— چپلاق قوللرینی زوجنك بوینه
كچیرهرك —

— نه قدر لطفكارسك ! . . سويله مشدم : بعض زمانلارك
اولیوركه اوچوجی ، فقط دائماً ایلیق . . . قاراناق او طه لرده کی
آینه لره بکزه یورسك ؛ بنده او ظلمت اچنده برخیلیم : قوللری
قوپمش ، کوکسی اینجه ، رنكسز بر بخار کی . . . صـ اچلری
یولونمش . . . بیاض باشی اینجه ، قانلی چیز کیارله یاره لی . . .

بخان

— شبهه لی ، متهاك —

— نی قورقوتیورسك نویره ! . . اوخ نه مدهش ! ! ..
نویره

— فقط كوزل ! ..

— بردن متأسفانه —

آنهم ! . . . ايشته بر مهتاب عالنه قيزيني فدا ايدن بر
والده ! . . راحتسز لکمی بيلديکی حلدہ ..

- مستهزيانہ -

قوری براخطار ایلہ: « رطوبت وار. . . بر آزده صوئوق! »
دیور. فقط او رطوبت، صوئوق نوری بی زوجنه امانت ایتکدن
کندینی منع ایدہ میور . . .

مجیب

- سرزنشکارانہ -

- کافی، دکلی یم ؟

نورہ

- دوشونور کی -

- شہہ سز !

بیخان

- شکر ! . . نہ کز وارکہ ؟

- نورہ: دوداقلرینی بوکککله جواب

ویرر ؛

مجیب آغیر آغیر بالقونہ توجه ایدر.
دیشارده ، اوزاقدن اوزاغہ بر
بورانک صولوق ، قورقونج
پاریتمیری باشلار ؛ بیخان ماصہ
آلتندہ کی دیکیش سپتینی آلیرکن

ایلاک کوك کورئوسی
ایشیدیلیر -

نویره

— بر آز پنانو چالارمیسکز ینسکه ؟ ..

یخان

— بر آز متغیر برسسله -

— اوو !.. خطا اوستنه خطا یاپام .. هم ایشته کوکلرک
ارغنون باشلادی... فورطنه لرك بسته له دیکی اینلر وارکن (شوپهن)ك
احتراسی نهیه یارار ؟ بری کائناتی صارصار ؛ او بری بلسکه ایکی
چوروك قلبی بیله تترمه مشدر.... بری قودوران بر بلا.... دیکری
زاوالی یپراقلر ...

— کوك تکرار کورلر ؛ قیصیق

برسسله محبیه حایقیرارق -

قبوی لطفاً قپارمیسکز محیب بک ؟ او قدر قورقیورمکه !..
پردهلری ده ایندیرک رجا ایدرم !.. اوخ نه مدهش !

نویره

— بر آزمستیزی طوغرولهرق -

سکز ینسکه ؟ حالبوکه عمجه مک دها

— صحیح قورقیورم

سانسکه شمشکار له یاریشه چیقدیغنی

ایلاک پاریلتمیده بر جیغاره یاقدیغنی

بیلیرم

يېڭان

— اوخ عىجە كىز! .. اوزاتما نەدن متأثر اولور، كه! ... بىن دە
بىليرم، كه آغلادىغم زمانلر معدە سىندن شكائت ايدر .

نويره

— طفلانە كولەرك —

— بركون باغچوان مقاصى المى كىسدىكى زمان صاچارمى
چكەرك : « مسكين ! . . » دىيە حايقيرمىشدى .

مجبب

— باشى چويرەرك —

— يىچارە آدمك اوزرىنە بو قدر ات سورمىكزا سىزك كى
بىن دە بىليرم ، كه والدهمك وفاتى كونى تىجن ايتمه رمق قالدىنى
زمان اخروى برهاتف كى اوموزلرمدن سىلكەرك « نه آغايورسك
بدلا . . سىن دە اولە جكسك ! » دىمىشدى .

— ايكى قادين قهقهه لره كولرلر —

أوت . . . كولمىكزا! .. احتمال كه بو بر آز سرت ، بر آز . . .

يېڭان

— قابا ايدى دىكلى ؟

مجبب

— انصاف سىزجه ايدى . . . فقط بر خنچر تسليت كى قلىمه
صاپالاندى . . . اوزمان — نويرەنك اليرىنى طوتهرق — حياتده
يال كىز اولمىدىغمى ، برچوق صميمى^۹ رابطه لره حرمتاً يشاهغه مجبور

بولنديغمى اكلایه رق كوزلرم قورودى .
او ادم بلكه برفياسوفدر، بر آز متيندر، بر آز ماديدر ... يالكنز
بو قدر ...

يخان

- او.. بونه قدر هيچان! ... بواقشام ايسته برافتخار نشانه
لايق اولديغكزي كنديسنه سويليه جكم . مثالا قولاغكز چكيا مكه
حق قازانديكز! ...

- ياغمورك سقوطين ايشيدياور ؛
تلاش ايله طوغرولهرق -

نويره

- اوو! .. ياغمور باشلادى ... آننهم كلديمى عجب، بك ؟ او
قدر دالدى ، كه ...

مجبب

- ظن ايتيم! .. كاسه لردي ، آرابه نك س- سنى ، والده كنك
تلاشنى ، هاله شكيك زوزه كللكاريني دوياردق!
- بر شمشك ذه پارلار ؛ كوك
كورلر؛ ياغمور كسب شدت ايدر -

نويره

- استرحامكارانه -

- سزى ديكلمك ايستيورز ينكه !

- او قدر یورغونم ، که نویره ! هم سزك ایچون یکی بر
اختلاج بك فنا اولور ... امداده یتیشکز مجیب بك !
- شمشك پارلار -

ایشته ینه شمشك ! ...

- النی کوکسنه قویهرق -

صانکه قلبمی آریتیور .

- دیکیش سبتنی قاریشدرهرق -

برهفته در او قدر تنبالک ایتمم ، که ایشته تنهنه لرم یاریم قالدی ...
بن بونلرله مشغول اولورم ؛ . . مجیب بك بزه غزنه اوقور ...
فورطنه لی هوا رده بر آز سکونت کوسترملی . . یاغمورك طاتلی
طاتلی یاغیشی ، روزگارک آغاچار اره سنده کی ایکلتیسی ، روحه
برینقی کبی کلیر ؛ اما کوک کورله مه مک شرطیله ! .. بیلمم سزه ده
اولورمی ؟ کیجه روزکارلری ، یاغمورلر بکا برحس امتنان و برر ...
دوشونورم ، که شودقیقه ده بنم صیجاق ، قپالی اوطه مه ، یتغمه
رغمآ کیم بیلیر نه قدر فقیر ، بلکه آج آچیقده بولنیور ... اوزمان
کوکسیمی طاتلی بر هوا طولدورور ؛ غیر اختیاری دعا ایدرم ؛
اطرافده هر شمنی تأمین ایدن ، ایصیتان بر صمیمیته بورونور .
- متفکرانه -

دها اوللری یاغمورلرله چتیردایان طاوان آلتنده نه قدر کیزلی
احتیاجار دویاردم . . او یله احتیاجار ، خیالرکه بکا بنیدن دها

یقین اوله جغدی . . . فقط قدر قارشیمه عمجه کرک صیق صیق
اوزایان صقالی التمه دائماً کولکه لی طوران چهره سی چیقاردی..

نوره

— بک !.. غزتمده شایان دقت حوادث وارمی ؟ یا خود
نه اولورسه اولسون ... ایسترسه کز ضابطه وقوعاتی او قویکیز !
جنايتلر ، قتللر ... یسکهم بجئی اویله چتین ، طاشاق بریوله
سوق ایتدی ، که ... آرتق هیچ برشیدن قورقمه دن دیولری ،
جادیلری بیله دیکله مکه حاضرم ...

— تکرار کورلر؛ اغا جالرک—

ایکله دیکی ایشیدیلور —

صحیح فنا بر هوا !.. صحیح قورقیورمیسکیز یسکه ؟ بنه
خوشمه کیدیور ... بعض فورطنلر اولور، که دیشارده آغاچلر
اراسنده ساز چالان سرخوشاری خاطر لارم. صحیح، بعض ضعیف
زمانلرمدن صرف نظر ، هیچ برشیدن قورقم . . . فقط او خسته
دقیقه لرده !.. بونلر اویله قورقونج برکیجه نك مشؤم ساعتلریدر، که
هرشیده کی طونوقاغه، سسز لکه رغماً قولاقنری باطالاتان برقیامت
قوپار .. مثلاً: پنجره لر کیجه نك صولوق ضیالری ایله اریز ..
یاقینلا شیر ، یاقینلا شیر ... اوقدر، که باغچده طولاشان اولولری ،
بیاض کولکه لرینی کورورم .. پرده لر بویور، بویور .. دالغه لانیر ..
شبهه لی قادینلر کی کولوشه رک برلرینک قولاقلرینه برشیلر
فیصیلدارلر .. قولتوقارده ، ماصه لرده برحرکت، برحیات اویانیر ..

سكونتك برييلان كې سوروندىكىنى حسايدرم : قرا كلق ھېسنىك
 اوستىندە قير، كيرلى ساچارى اورپرمش برجاستى كې خوموردانىر...
 كوزمك او كندە برچوق بېچمىسز، مردار خياللر اوچوشور...
 « مجيب ! » ديه حايقره جق اولورم ... بوغازم قورور .. سىم
 چىقماز اولور . اسممك چاغىرلدىغنى ، مجيبك سىنى طويارم ..
 بكا اويله كلير ، كه او بر اوطه ده چىپلاق آياقاريله خالبار اوزرنده
 دولاشان ، ساعتار جه قوطوسنه سوردىكى حالده كىرىتى ياقاميان ،
 نهايت صارى ردومان ايچنده كورينن زوجه در ..

بر آز هس تريخ اولمق ، قونوشمق ايستمرم ... فقط كندمده
 اوقدر اويوتىجى برضعف ، بر باغىنلق طويارم ، كه كوزلرم قىانير
 وهر شىئله برابر - تخف بر طرزده كوله رك - بنده اولورم .

مجيب

— بر آز طفلانه دكلى ؟

يخان

— سىكىر ضعفىتى ! ..

نويژه

— اوموزلرني سىلكه رك -

— هر نه اولور سه واسون ، بعض كىجه لرني ساعتار جه خير بالار ..

هله ينه اويله كىجه لرم ، خارق العاده اكلرم وار كه ...

— بر آزا و طور دىغنى رده يوكسه لرك -

اينانماز سىكز ! .. كويا برىسى نى دورته رك اويانديرر ؟

« قالح ! » دیر... برسومنامبول کبی یتاغمدن اینرم ... صوئوق
برال بنی تنها صوفه لر، آباق سسارمله بوشالان، بویون قوریدورلری
دولاشدیرر .

- غریب برتجسسه دیگله ین یخانه
باقه رق -

قپوکزدن صیزان کیجه قندیلی ضیالرنده ، قاق کرده لر پریلرک
اوبناش-دیغنی، کولکه لرک تتره دیکنی کوردم ! اچرودن محرم
فیصیلدیار کلیر... برارک سسی، صانکه اوزون فاصله لرله برشیلر
میرلدانیر... کندمده او قدر خفیفلاک حس ایدرم ، که برکولکه
کبی، ایسته سه م قپوکزک آرالغندن، آناختارده ایکندن کیره جکمی ظن
ایدرم... فقط بیام نهدن... بکا او قدر مراق ویردیکی حالده
اورادن اوزاقلاشیرم... سسسز آدیملرله او طهمه کلیرم...
- درین برنفس آلیر -

اوطهم بر محشر کبی جینارله طولو اولور .

- زوجنه باقه رق -

محییک یتاغنه یاقلاشیرم... اوخ !... اونک او قشامق
ایسته دیکم صاچار ییرینه اللرمه برکفن کبی جیبینلکی طوقونور..
قورقارم... دیواردن باقان کوزلرینه ، قرا کلقده دها بیاض ،
بویون رسمنه باقه رق آغلامق ایسته رم... صانکه اوشورم.. او
قدر تتره رم ، که جامار صارصیلیر...

محب

- بر بهت خوف آمیز ایچنده

زوجه سنی در آغوش ایدرک -

- بونلر هپ خیال ، هپ هزیان ! . . .

یخان

- تترهین الارینی اوزاتهرق -

- بنی قورقوتیورسکز زواللی چوجق ! . . . یانکزده برقاچ

کشی یاتیرسه کز .. کندی کزی جدی برتداوی یه تابع طوتسه کز ! . .

بیلمم ، که ! . . سزه اینامماق ایسته یورم .. بونلر هر کیجه دوام

ایدیورمی ؟

نوره

- اوخ ! . . خیر ! . . فقط . . .

- شدتله یرندن قالقار .. دیزلرندن

اورتو ، اوموزلرندن شالی دوشر ..

بیاض لباسی ایچنده اوزون وایجه

قامتی نظره چارپار . . . پیانویه

توجه ایدرک -

نصل ، سزه بر آرز چالایمی ینکه ؟ ! . . نه ایستیمورسکز ؟

بر اولوم ! . . رقهقهه . . .

- بارمقارینی قلاویه لر اوزرنده

کز دیره رک -

ياخود بر چيغاق ! . . .

- يوكسك پرده دن بر طنت فرياد
آمیز باشلار . . . بيخان ، عجيب
بر برلرينه بر طاقم غريب اشارته
بول نورلر . بالقونه توجه ايدن
عجيب قهوسنى آچار؛ چيقار . . . سرين ،
طاغ چيچكلى ايله معطر بر هوا
پردلرلى تحريك ايدر . . . ياغمور
طور مش بول نور . . . متباعد ،
دوامسز شمشكلر بولوطلردن
سوزيان ضياسى بالقونك ايصالق
بارماقلى تنوير ايدر . . .

عجيب تعقيب آرزو صكره بالقونه
چيقان بيخان ظلمت ايجنده غيب اولور .
پيانو سى دوام ايدر . . . بر
مدت صكره بيخان بالقون قهوسندن
كورونور -

بيخان

- دويدى كز مى ككديلر ؟ .

- نوره آغير آديملار له بالقونه
چيقار ؛ ديشارده آرابه ، حيوان ،
كوك سسلر ، شكيبك قهقهه لرى ،

سالمه خانمك مسلسل شكاياتی ايشيد يدير .
 'يخان بالقوندن سالونه عودت
 ايدهرلك صحنهني ترك ايدر ؛ متعاقباً
 مجيب ونويره سالونه عودت ايدر لر . -
 مجيب

- سالون قموسنى آچهرق -

کافم . . . !

- زوجىنى در آغوش ايدر .
 ايکيسي ده قمودن چيقار ؛ صحنهني
 ترك ايدر لر . . متعاقباً ايچري يه بر
 خدمتچي قيز داخل اولور ؛ خفيف
 سسله بر شرقي ميرلدانير ؛ صانداليلري
 دوزلتير . . بالقونك قموسنى ، بيانونك
 قياغنى قايار و برده كي شالى ، اورتويني
 طوپلار ؛ برص - انداليه اوزرينه
 چيقوب آوينك موصلغنى قاپا يهرق
 صحنهني ترك ايدر . -

برده



ایک ننجی پرده

- یخانک او طه سی... برقچ ظریف
صاندالیه، قولتوق... اوروپا کاری
برماصه؛ اوزرنده یوکسک برآینه؛
برقچ تووالت لوازمی؛ موملری
یانان اوچ قوللی برشمعدان.. بری
صولده، دیکری جبهه ده ایکی قپو؛
صاعده مکلف برقاریولا.. -

— برنجی مجلس —

« بخان یالکز »

- عصبی برحالده صاچارینی تنظیم
ایتمک، تووالت یا مقله مشغول بولونور؛
کندی کندینه سویله نهرک -
- عجبا کلیه جکمی ؟... فورطنه باشلايه جق ظن ایدیورم...
- بردن النده کی پولیوینی ماصه -
اوزرینه فیلاته رق خیالی بردشمنه
هیجوم ایدر کی شدتله -

قورقورم ! .. اوزات پنچلریکی ! .. قابی پاره لا ! .. فقط
حسمه طوقونه مازسک ! ..

- آنی بر اندیشه نجسمه تابع
اوله رق -

عجبانه قدر بیلور ؟

- بر قولتوق اوزرینه کندینی
آته رق ایکی الیه باشنی طوتار ؛
کوزلری ثابت، یرهارتکاز ایدر -

نویه ؟ .. چوجق ! . آه صحیح ...

- تحف بر طرزده کوله رک -

بو آفشام بر تیلکی قدر عصیت کوستریوردی ... برسوه نامبولها؟
فنا بر رول دکل ..

- اللرینی اوزاته رق -

آجیرم سکا .. فقط محو ایده رم سنی ! .. سویورسک دکلکی نویرده ؟
یا بنخان ؟ .. طاپینیر ...

- دیوارده کی ساعته باقرق -

کلیه جکمی یاربی !

- سسمنز آدیملرله قپویه یا قلا شیر ؛
قولاغنی آناختار ده لیکنه تطبیق
ایده رک دیکلر -

سس یوق ... هرکس اویویور ...

- متفکرانه -

احتمان مدید برجنايت ایشلیورم دوشون بر کره ! ...
او قدر خسته که صمیمیتنه اینامق لازمی بیلیم ، که ...
یا مجیب ! .. زوجه سنه باقارکن صحیح برقیویلیجیم !
- آجی آجی کوله رک -

اوخ ! بوپک مدهش اولور بومکنمیدر نوره ؟ ! ...
مجیب ! .. بن که سنی یاشاتان دها صولفون ، حیاتی آکلایمغه
محکوم بر چیچک ایکن سکا بتون حیاتی ، عصمتی ویرن
بیخان وارکن بشقه سنه ایسترسه خسته ، کوزل ، بلکه
سنگ ایچون اوله جک برزوجه یه اولسون توجه ایتمک
- ایصیریر کبی بر تکلمه -

طوغری اوله ماز مدهشدر بک افندی ! ..

- قپویه برایکی محترز ، خفیف ضربه
اورولور .. بیخان بر تبسم ممنونیتله
سرعتله قپوینی آچار ... شکیب
صولفون ، ایچری یه کیروب کیرمه
مکده متیخیر .. قپواوکنده کورولور

ایکنه جی مجلس

« بیخان ، شکیب »

بیخان

- کری کری چکیاهرک قورقو و

تمجی کوستن برصدا ایله -

— آی! .. - کولکه چایشه رق - قورق دم ... - یوکسک

سسله منفعلانه - اوخ! .. بویک فنا بر معذبلاک شکیب! ! .

- شکیب استرحامکارانه پارماقلر نی

دوداقلرینه کونوردک س-کوت

اشارتی یاپار -

یخان

- یاقلاشهرق بیوک برحیرتله -

- غریب! .. نیچون تیربیورسکیز؟ -

شکیب

- ایکیه رک -

- رجایدرم .. رجایدرم! ! ..

یخان

- غریب برتبسه له -

— تحف! ..

- مترددانه -

بکا حیرت ویریورسکیز. . . فقط . . . ایچری کیریکنز! ..

- شکیب سرخوش کی ساللانه رق

ایچری یه کیرر؛ قهوی تکرار قاپاق ایستر-

یخان

- مترددانه -

— فقط نه کز وار الله عشقنه؟ .. بو قدرشی ..

- شكيبك ذليلانه اشارات استرحام
کارانه سنه باقه رق -

پکی، قاپایکیز . . .

- شكيب سسسزجه قپوی قاپار . .
اولا، نصل حرکت ایده جکندن
متحیر ، کولونج ، محجوبانه
اطرافنه کوز کزديرر . . برایکی
آیم آتار . . بردن یخنانه
آیاقلرینه قاپانیر -

شکيب

- تیتړهك، آنجق ایشیدیان برسسه -
— بی عفو ایدیکز ! . . رجا ایدرم . . . بی معذور
کوریکز ! . . .

یخن

- شبهه لندرك -
— آکلامیورم شكيب بك . . . نه یایدیکز که ؟ . . .
- خائفنه -

یمین ایدرم که برشی آکلامیورم .

شکيب

- عین موقعده ، میرلدانه رق -

- عفو ! . . .

بيخان

- اصرار ايدەرك -

- چيلديرديكزى ۰۰؟ نەيى ۰۰! -

- شەيب سەكوت ايدىر -

بيخان

- عەبىتەلە كۈلەرك -

- جەآ غەرىب ! ! -

- مەتەجەسەنە -

پەي ۰۰۰ فەقەت آ كەلەتەكەز ! . .

- مەردانەرق -

جەآ غەرىب !

- شەيبەك ، موقەنى جەلا مەفەزە

- ايتەدەكەنى كۈرەرك -

اۋو ! . . . نەي قورقۇتەورەكەز ! . .

- جەننە حەم ايدىرك -

خەستە مەيسەكەز ؟

- قەۋىيە تۈجە ايدەرك -

بەآدم چەغەردەلمەي ؟

شەيبەك

- سەرتەلە يەندەن قەلەرق مەنە اۋلور -

مەرحەمەت ! . . .

يخان

- كرى چكىلەرك -

فقط ؟

شكىب

- قىصيق برسسلە -

- شمدى آكلاتەجىم . . . يالکىز . . . بر آز مرحمت ايدى . .

قورقيورم . . بر آز جسارت وىرك! . . .

- تىترەيەرك -

تلاشكىز بى اولدىرييور! . .

يخان

- عصي، بر قولتوغە او طورر . .

استىضا حكارانە -

سزى دىكليورم! . .

شكىب

- يوتقونەرق -

- اولابى عفو ايدەجىكىزى . . . قىزمىەجىكىزى وعد

ايدىكىز . . . هر شىئى سويلەجىم . .

- آغلایان برسسلە -

اوخ . او قدر مضطربم که! . . .

يخان

- بى صبرانە دوداقلرىنى ايصيرەرق -

امین اوله بیایر سکز

شکیب

- برساندالیه اوزرینه اوطور مق

ایستر، ینه قاقار.. مغمومانه -

— یارنی... نه بیوک اضطراب!... - مترددانه -

ینه امین اوله میورم!... - میرلدانه رق -

سویلیه حکم ...

- متعبدانه یخانه طوغری

ایاروایه رک -

سزی سویورم ینکه!...

یخان - بر صیحه حیرت قوپارد رق -

- آ... آ... آ... آ... آ...

شکیب - متجاسرانه -

آه... غریب بولیور سکز... جنتمه حکم ایدیور سکز

دکلی؟ - مفتورانه - اوخ بن سزدن دها ایاری کیندم...

کندیعی تلعین ایتدم... نقط قلبم!...

- یخانک مراقبه دیکله دیکنی

کوره رک حرارتله -

بتون طاقتمی، فضیلتمی محو ایتدی... نازک برقاناد ظن

ایتدیکم ایلک تمایل صوکرالری بردمیر پنجه، بر درد کسه یلدی؛

قلبمده خفی بر نفجه ایدی؛ بوغیچی بر دومان اولدی. آه نه قدر

صبر ایتدم . . . فقط آرتق تحمل ایدمدم . . . ایشته . . . نهایت
بواقشام بر مجنون کی بالکزلغکنزک ویردیکی جساترله . . . تعجب
ایدیورسکنز دگلی ؟ . . . آه آغلا یکنز ! . . . بو برهائله در . . .
سزه هر صورتله احترامه مجبور بولندیغم حالدده . . .

- بردن جساتنی قیرله رق محجوبانه -

سوزلرمی پک پریشان بولیورسکنز دگلی ؟ . .

- صاچلرینی قاریشیدیردق -

یاربی . . . سزه نهار سونلک ایسه تیوردم . . . بر آز اول
اوطه مده، قاراناقدده دوشونورکن نه بیوک طلاقم واردی . . . فقط
ایشته کوریورسکنز که . . . بینم یانیور . . . صانکه بر فریادم . . .
سس مک ایگله دیکنی ایشتمیورمیسکنز ؟ بر فریاد ! . . . فورطنه لرده ده
بر معنا وارددر . . . بر ییلدیریمک سقو طیده بر افاده ددر . . .

- آغلا یه رق -

سویورم سزی . . . پرستش ایدرم سزه ! !

- اللرینی اوزاته رق -

هیجانی آکلامیورمیسکنز ؟

- یخانک اللرینی طوتمق ایستیه رک -

بر کله الله عشقنه ! . . . نیچون سکوت ایدیورسکنز ؟ . .

- در آغوش ایتمک ایستر -

یخان . . . یخن !! . .

يخان

- شدتله يرندن فيرلا يه رق، قيصق برسه له -

- طور !! - بي تابانه - سفييل !! -

- شكيب مقهور و منكسر، يخان مقهور،

صولويه رق بربرلرينه باقارلر -

يخان - محقرانه -

- اوو . . . سز !! . . . - متأسفانه - تحف بروقه . . .

ماعمون برتصور !

شكيب

- ذليلانه -

آه !! . . .

يخان

- بر تبسم محقرانه او مستهزيانه

ايلاه -

- برده سزى سوييورم ينكه دييورسكيز! . . . هاه .. هاه! ..

نه بيرك فضليات ، نه بيوك تربيه ؟ ! .. بر عمجه قاريمنه نه بيوك

حرمت !!

شكيب

- خائفانه -

- مجنونم ! ..

يخان

- شدتله -

- بالهكس بر شيطان ، بر خائن . . . بر دني ! ! . .
- بي تاب بر صانداليه اوزرينه
دوشهرك آغلایان بر سسله -
اوخ ! . . اميد ويرهك نهكي ادبسنزلکده بواندم ، که . .
اللهم . . بويله بر تحقيره لايق اوليورم . . - متهورانه - جواب
ويرسه کزنه ! . . اوت ، بنده سزي اميده دوشه-ورهك ، بو
آقشامي آلق تصورانه ميدان ويرهك بر حال کوردیکز می ؟
سزه بر همشيره ، برينکه معامله سندن فضله نه يابدم ؟ . . سوياسه کز
نه ! . . سکوت ايديورسکز . . . اوخ سز حقيقه مجنونسکز ! . .
يارين تيزه کزه ، هاله سزه بر حس حرمت ويره مهن صاف
عمجه کزه آکلا نه لمه چاره کزه باقه-ونلر . . . فقط آرتق
بوراده طور ميکز . . . اوطه کزه کيدیکز ! . .

شکيب

- ايکليهرک -

- ياربي ! ! . . مرحمت کزنه . . .

يخان

- محقرانه سوزيني کسهرك -

- حال سوز سويله مکدن اوتانميورسکز ! . . نه مدهش
چهره ! . . - قپوي اشارت ايدهرك فوق العاده محترانه - بي

بشقہ درلو حرکتہ اجبار ایتیکز ... کوریورسکیز، کہ موقعمز ...
شکیب

- صاللانہ صاللانہ قہویہ توجہ
ایدہ رک -

- ظالم !

یخان

- مہورانہ -

- عادی ! ! !

- شکیب چیقار -

یخان

- متفکرانہ ، عصیتلہ -

- غریب ! غیر مأمول بر حادثہ ... ادبسر ! ...

- مترددانہ - فقط تہاکہلی ... عجبا ؟ ! - عجیب بر صورتہ

کولہ رک - اوو ، یخان ... چوجقسک ! ... نہ اولیق احتمالی

وار ؟ دقت فقط ...

- عصیتلہ دولاشیر . طورہرق

آینہ زہ چہرہ سنی تدقیقی ایدر کی

بولونور . کولہ رک -

رؤیا ... زوالی ! ... بردن اندیشہ کارانہ - عجیب زہدہ

قالدی یا ؟ ... شمدی بر قرار ، چابوق ، متین بر قرار ویرمک

لازم . . . بو آقشام آرتق هر شی بیانملی . . . اوخ نه قدر
مضطربم !! . . .

- قپویه تکرار بر قاچ خفیف
ضربه اورولور؛ یخان متردانه
قپوینی آچهرق قیصیق بر سسله -

کیم او ؟ ! . . .

اوچنجی مجلس

« یخان ، مجیب »

- مجیب صولغون، لرزه ناک ایجرییه
داخل اولور. یخان سرعتله قپوینی
قایار -

یخان

- محترسانه در آغوش ایدرک -
- کلیه جکی ظن ایدیوردم مجیب ! ! . . . کله سیدک بوکیجه
او یویه میه جقدم . . . او قدر عذابم واردی، که . . . ایشته شمدی
هر شیئی اونو تدم . . . صانکه بر نفحه سک ! . . . سنمز صولوق

بر رنك حالنده قاليورم . . - مفتونانه - سنى سورم مجيب ! ..
 - بردن تحوالله خائفانه - اوشويورميسك مجيب؟ نيچون تيترييورسك؟
 اللرك بوزكې . . يوزك صارارمش . . قورقوتمه بنى ! .. بر
 تهلكه مى وار؟ .. مجيبك پريشان، جواب ويرمديكنى كورهرك بى
 تابانه - اوخ مطلقا بر شى وار ! .. - مضطربانه و خائفانه
 - ايكى اللزيله باشنى طوتهرق -

يوقسه . . . قورقدقارم چيقديى ياربى ! ! . . .

- مجيبك النذن طوتوب صارصهرق -
 سوياسهك نه رجا ايدهرم ! .. بنى اوقدر اوزييورسك كه
 حايقيه جنم كليور ! نه در ؟ .. بر هيچ دكلى ! ... بنى تاأمين ايت ..
 نويره . . . ؟ ! ..

مجيب

- متغير بر سسله -

- اوت نويره . . . بيخان ! .

بيخان - بى صبرانه -

- دوام ايت ... بوشبهه بنى اولديرييور ! ! . . .

مجيب - اغلايان بر سسله -

- يا بن بيخان ؟ . . برمدندر صانكه ياشاميورم . . . سنى
 تعذيب ايدن شهبه بنى ده خراب ايدييور . . . اوقدر كه . . .
 زوجه مك، بعض زمان اوليور، كوزلرنده قورقونج، قاراللق بر
 اوچوروم كشف ايدر كې اوليورم . . . تفصيل ايدهم . . . يالكز بو

کون قطعی ، حساً هیچ برهغالطیه تابع اولیهرق آکلایورم :
 اولوم، شوهرشیئک اولومی... بنم ، سنک، بالخاصه بزى سنهارجه
 خوار، سفیل سوروندورن ، آلداتان عشقمزك ... قوپدینی کون
 بلکه برقیامت قوپاردجق رابطهنك اولومی یاقلاشدی ...

- یخ-انك سكونتله دیکله دیکنی
 کوره رك متجاسرانه -

واوقدر تقرب ایتدی که شودقیقهده . شوهرشیئک هنوز
 قابل تعمیر بولندیغی برزمانده ... هم ، اوت، هم بزه رغماً نهایت
 مدھش برجریانك آوب کوتوره جکی بوچوروك موقعه ثبات
 فضله بر تعند ، بلکه بر چیاغیلقدرد ؟ بکا اینان یخان ! ...
 بعض زمان اولیورکه کندهدن نفرت ایدیورم . . . برجانی کبی،
 خیر تماماً برجانی ندامتیه شیمدی آکلایورم که چوجقه سه-سنه .
 دوشونولمدهن، بر بحران ، بر جنت ایچنده حاضرلادیغمز بوقانلی
 آتی مطلقاً یقین برزمانده بیوک بر فاجعه ایله نتیجه لنه جکدر . . .
 - ایکلیهرك - آه آرتق ، ایشته بوکا تحمل ایدهمیه جکم ! ...
 نوبره ، اوقدر معصوم بر چوجق ، که آغلارکن کولیور . . .
 فقط قابنده اولمین بردرد وار ... انغمالی اوقدر بیوک ، اوقدر
 طاش-قین ، ینه اوقدر هضم ایدیامشکه، امینم ، شمدی بندن ،
 سندن دکل حایقیره مامقدن متأردر . . . وبو، بکا ، بیلیرمیسك ،
 هویتی صارسان برضربه اولیور ... سکوت ایدیورسکیز ! ...
 چهره کزده فورطنه لر ایجاد ایدن بر صفوت وار... حالبوکه ...

بن ایبی ساعت اول «کل!..» دیدیککز زمان فکر مه، جسمه اشتراک
ایده جککزی ظن ایتشدم ... او قدر که .. حتی بکا جبر ایده جکک-
یکز ...! .. جواب ویر میورسککز!... بکا یا یا ما دیغمی تکرار
ایده جکککز دگلی ...؟

بیخان

- یاواش یاواش یرندن قالقار ..

چهره سینه مدھش بر صار یاق
استیلا ایدر؛ عادتاً غیر متحسس
کور و نور؛ کندی کندینه سویله یر
کبی ضعیف، بی مجال برسله -

— بر بیخان واردی که ... باباسنک موسمز، بلسکه لاقیدانه
وفاتیه یتیم قالمش ... والدهسی واختیار دادیسندن مرکب ساده
فقط تمیز بر معیشت ایچنده قورقاق، پرهیزکار بویومشدی .. بونکله
برابر حیاتی یمک، ایچمکدن عبارت کوره جک قدرده بسیط دکلدی.
کندینه مخصوص موضوعاری، او قدر اساطیری اولمایان، اولدقجه
حقیقته یاقین تصورلری واردی ... احتمالکله رفیقهلرندن ده
بالا پرواز، ده ایخه یار ادیلمشدی ... حیرته قالنه جق درجه ده
کوزل دکلدی .. فقط آینه به باقدیغی زمان هنوز نفرته بوزولمامش
دوداقلرنده مغرور بر تبسم اوچوشوردی ... بویودی .. ازدواج
ایده جک برسنه کلدی .. فقط اینانیکز که محیطی، ارککاری،
او قودینی اجنبی مصالارینک رذیلانه افشا آتیه رغماً بر ییغین

صافال و بيقدن بشقه صورتد تاقی ایتیموردی. صافلدی، ظن ایتیمکز!.. دیدیکم کبی اونکده دیکر قیزلر کبی خیاللری، حسنالری، تحنف تحنف قوقاللری واردی... فقط بونلر اوقدر اکلایدیله مەمش، رنک ویریلە مەمش، منتظم و معین برشکلە قونیلە مامشدی که صورسە کز، برابر یشایه بیلە جکی ارککک هیچ اولمازسە بللی باشلی اشکالنی تعریفدن عاجز قالیردی.. اوده کورو جیلره چیقدی .. بر چوق طابره معروض قالدی ... والدهسی بر آز متعصب، تی تیز برقادین اولدینی ایچون براییک سنە ایچنده عددی ایجه چوغالان نامزدلرک کیمیسۈ بکه نیامدی. کیمیسنه بکندیریلەمدی

محجب

- اللریله منع اشارتلری پاهرق -

— نهیه یارار ییخان ؟ ... شو اسکی ، مظلّم حکایه دکلّی ؟
بن بونلر ایچون نه قدر صیر لاهشدم!.. بن سکا یالکیز پرستش ایتمه شدم ؛ حرمت و مرحمتده واردی ... سنی حس ایتدکجه فلاکتکله آغلارم... فقط نهیه یارار ؟!.. بوکون ماضیدن دکل...
پک یقین بر استقبالدن... قورقورم، بلکه مدھش بر یاریندن بحث ایتکه کلام... و بوکون سکا حرمت و محبتدن زیاده ... برجنایتک هیچ اولمازسە شمدی ، کشکه ابدیاً ، وقوعنی منع ایتک ، بونی دوشونمک لازم ...

ییخان

- متردانه -

— سزى صيقييورمىم؟.. بواقشامك صوكنىجى اولدىغى
كىم ادعا ايتدى.. فقط هيچ اولمازسه، بكادكاسهده بوصولك دقيقه لره
خرمت ايت!..

مجب

— بى صبرانه —

— ديكه مكمى؟... پكى سويله... لکن رجايد درم، قيصه كس!..

يخان

— منفعلانه دوام ايدەرك —

— اوت، نهايت بركون نصل اولدى، بيانه من، هرشى تقرر
ايتمش اولدى... آقسرائيك كچيجيسى آز بر سوقاغنده، اسكى بر
قوناقدە بر قاچ بوزوق چالغى كورولتوسى، بر قاچ رياكار سیرجى
آلقیشلاری ایچنده بر آقشام باشنده تاج، آياغنده صیرمه تریكلىر،
آرقه سنده ايبك البسه لریله كوزل وتازه، طایمیدیغى، كورمیدیكى
بر ارکكك قوجاقلرینه، عادى، چیرکین احتراصلرینه ترك
ایدیلیو یردی... .

— بى تاب بر توقفدن صكره ایچنى چكەرك —

بواركك، صبقى آلتنده خیالاتی دهاز یاده خسته لانان، بویون،
طبیعتیندن چیقان برقادین ایچون پك باياغى، پك عادى، هيچ ده
كوزل دكلدی... بونی دها او آقشام بیاض دوواغنىك آلتندن
دیندارانه بر توكلله هضم ایدن بیچاره نك، اینانیر میسكیز، یالکیز
بر استنادی، بر احتیاجی، بر قناعتی واردی، كه تجربه دیدە بر اختیار

كېي «بارى خويى كوزل اولسون!» ديدى... - حديدانه
 ومتفرانه - فقط، خير، بو بويله اولدى.. بو حريف برسفيلدى،
 برسفيلدى!... دها ايلك كونده هييجانلى، كنج بروحك صدائى
 شفقته، حرارته مقابل چوق سىغاره ايچمككن صيقشيمش كوكسك
 خرخرمليله راحتك نصل اكال ايديله جككندن، آرزولرينه شدتله
 اطاعت لزومندن، زوجه لك وظائفندن اوزون برنطق ايراد ايتدى،
 كنديسى ضررسىز بر آدمى.. محبت و حرمتدن بشقه برشى
 ايسته ميوردى... صيقچه چامشير ده كيشديرمديككندن بو، اونك
 ايچون بيوك بريوك اولميه جقدى... آقشام اولديى ال قدر
 اوافق بر شيشه حصير ايدن دوله جق... اوافق بر تپسى ايچنده حاضر-
 لائمش بولنه جقدى... يالكىز بونلرك، هپ قارىسك تميز، پاموق
 اللرياه حاضر لائمنه مراقى واردى؛ چونكه بونزاكتى نه بيكر،
 نه اقبال كوستره بيليردى... نهايت - متفرانه - لطفاً قالين دوداقلرى
 اوستنده حيوانى بر قوتله پوسكورمش توتون قوقولى بيقرارىنى هكل
 ياناقلىر!... التفاتيله اوزاتمش... آغىر، قابا برتمس ايله جلدنى ايصلاتان
 بوبوسه، بو خارق العاده بيقرار اوكا، زواللى يخانه بر تشير حسى، بر
 ليف قوقوسى ويره مشدى... ايسته بويله جه آچيلان هائله نك بو ايلك
 پرده سنك وريدكى مفرط بر حساسيتله آكلام مشدى، كه صوك
 پرده سى ده پك اليم، پك مدهش اوله جقدى... مضطربانه
 يوقونوزق - بوندن صكره هپ، قاپلى، سونوك، كهينه بر حيات
 باشلادى... واقعا اوللرى بوكا تحمل ايدمه ميوردى... كونلرجه

کیمسه یه دردینی آپامیه رق، علماً آغلامقدن بیله محروم ایگله میشدی.
 فقط صوکرالری یا واتش یا واش بوکاده آلیشدی... آرتق ایجابه بنده
 تبسمدن ده چکینه یوردی... او قدرکه بتون ایجمله لکینی، حساسیتینی،
 صفوتی غائب ایتمش، مادی، حقیقته دکل فلامکته آلیش-مش،
 صانکه قلبنک اوستنده قالین، سرت قابوقار پیدا اولمش کبیدی...
 یا واش یا واش قوجه-سندده اوزمانه قدر کشف ایده مدیکنه حیرته
 قالدینی کوزللاکارده بولدی؛ بو آدمده اولدقچه متحسس ایش
 کوردی... - مستهزیه کوله رک - هله بعض فکرلری واردی که
 حقیقت حیاته تماماً موافقدی... برآز متسلل اولورکی اولمشدی...
 حتی اوئی قیصقمانغه باشلادی... کیج قالدینی زمان برآز صیقیلدیغنی
 تجربه ایتمشدی... ایشته کوریهورسیکیز که تدریجاً سقوط ایدی یوردی.
 فقط برکون... - یقیننده کی قولتوغه طوتونه رق - اویله ماوث،
 عادی شیلارک وجودینی کشف ایتدی، برکیجه او قدر مدهش،
 ایگرنج برمنظره قارشیسندده بولندی. که بردن هرشی ده کیشدی...
 سنه لرجه اوغراشهرق صوصدوردینی، بوغدینی قازینلی، انسانلی
 غایانه کلدی... - عصیتله تیره یه رک - چونکه کندینه بر مردار
 خدمتچی قاری ترجیح اولمشدی...

محب

- پارماقارینک اوجیه کوزلرینی
 سیلار؛ بر قاج آدیم دولاشیر؛
 مرحتکارانه -

— اوزولوبورسك يىخان! ... سكا آجيمه، ق ممكن دكل كه! ...

يىخان

— شدتله و آغلایان برسله —

— خير.. خيربك افندی، مرحمت ایسته م!.. فقط رجا ایده رم، دیکله ییکز ... وعده ایتدیکنزدی دگلی ؟ — متفکرانه — اوت ، بو ایلك ضربه پك مدهشدی!.. اوقدر صارصیلدیکه ذاتاً ارثاً مستعد اولدینی برخسته لکه ، سیکیر خسته لکنه دوچار اولدی .. آیلرجه اسیر فراش قالدی .. — میریلدانه رق — کشکه اولسیدی!... — بروقفه بی تابیدن صکره —

آشجیار، خدمتجیار، بسله مهلر کچیدی صیقلاشدی.. قاپاتمه لر دوری باشلادی.. و آرتق بونلرہ تحمل ایده مدی.. بالطبع قاوغالر، مشاتمهلر ایچنده سوروکلہ ن چیرکین بر حیات باشلادی... دوداقلرینی ایصیرم رق منفعلانه — بو حالده طلاق ... افتراق بامکه اعاده حیات وتسايت ایلردی.. فقط هیهات، که ... بوصره لرده والده سنك مشؤم وفاتی وقوعه گلش ، آرتق دنیاده بوسفیل حریف، بوقانلی دوکومدن بشته برمداری ، استنادی قالمامشدی.. مجبور ومقهور سکوت ایتدی ... — کرکسینی شیشیرن برتنفسله ایکلیهرک عجولانه وتدریجاً قیصیلان برسله — قیصه کسهیم : نهایت خسته لکنك اك تهلیکلی بردوره سنده دوقتورلرک توصیه سیاه قیزیل طوپراغه نقل ایتدیالر ...

— سکوت ایدر؛ براضطراب فوق-

العادة ایچنده دوشر جه سنه بر قانابه
اوزرینه بیقیلیر؛ هینیچ قره هینیچ قره
آغلار -

مجیب

- تیتردك الاريله دوشمه مك ایچون
صاندالیه لره طو تونه رق ییخانك یاننه
یاقلاشیر؛ كندی كندی نه سویله نیر
کی -

— زواللی قادین!... بکامراق ویریورسك ییخان!.. سویله...
سویله!.. - بی تابانه - یاخود سویله مه!.. نه مشکل موقع یاربی!..
چیلدیر مق ایسته هم اللهم!

ییخان

- بردن سیدلکینه رك غریب بر
تسمه له مستهزیانه -

- طورك بقالم... دها!.. اصل حکایه بوندن صکره
باشلایور.. سز تجنن ایدرسه کز بن بوندی کیمه آکالته بیایرم؟
بو قدر جق لطفی بندن اسیر کر میسکیز؟

مجیب

- متها لکانه -

- ییخان... ییخان!.. بنی بر آنده اولدور دییورم!..
لحظه لحظه اولمکه تحمل ایده هم!.. مرحمت!..

يخان

- سكونته -

- ايښته سزه بو مشوم ږده تصادف ايتدي . . اويله بر
فتور ، اويله بر بجران ايځنده ايدى كه . . هرشيدن اول صميمي
بر تسلي به احتياجي واردى . تمايللريكزه عادتا غير اختياري تبسم
ايتدي . سزه ، اصرار ايدىوردىكز او ، آن بان قوتدن ، دوشن
برياراسه كې ضيا كزه ، شمعشه كزه مغدور اولدى . . عشقهكزك
آتشاري ايځنده ياواش ياواش اريدى ؛ قطره لندى ؛ و سقوط
ايتدي . . - ايځنى چكهرك - اوت سزى سوه شدى ؛ قادي ناغنگ ؛
قالبنگ او زمانه قدر اكلاشيله ميان بتون اختي-اجارى ، بتون
حرارتلريله سوه شدى . . وسزده مقابله ده قصور ايتيورديكز !

مجبب

- زبونانه -

- آه ! . .

يخان

- دوام ايدهرك -

- تام ايكي سنه ، بويه ، هكبه ليده طوتديغكز كوچك بر اوده ،
آيده اوچ درت دفعه برلش-مك اوزره عارضه سز ، اوزون بر
رؤياى سعادت كوزديكز . . . طاتلى بر حيات سودا ياشاديكز !! .
فقط . . . بر لحظه كادى ، كه عشقهكزده سزى ده ليلكلر ،
فدا كارلقلر پايديران بر شدت پيدا اولدى . . . آرتق صيقلاشدير .

لديني حالده بو تلاقى-بارده كافى كلامكه باش-لادی . . . قاچ کره لر
فرارى ، افتراقى دوش-وندیکز ! . . . او ، سزه اولا بونلرک
چو جقاقدن بشقه بر شى اوله ميه جغنى آ کلا تیور ، محذورلرینی
س-ویلیوردی . . . سزه نسه-بله او ، بر آاز اختیار برقادین تاقی
اولنه بیایردی ؛ صو کرا عالم نه دیه جکدی ؟ ! . . .

محیب

- میریلدانه رق -

- حتمک وار . . . - مجنونانه - نیچون بو ، بویله اولدی
یاربی ؟ نیچون دوشونه مدم ؟ . . . احتمال ، او حالده یشاسه یدق . .
باکمه دها آاز بد بخت اولوردم . . . صو کرا بو جنایت . . . بو
وحشت اولمیه جقدی . . .

بیخان

- آجی آجی کوله رک -

- صحیح . . . بو ، پک طوغری اوله جقدی ؛ فقط ،
صو کرالری هر ایکی کزده ده او قدر هر شیئه قاتنا نلق ، چیلغیناقلر
یایمق استعدادی او یاندی ، که بر کون سزه نویره ایله ، زو جنک
یکنیه از دو اجدن ، بویله جه دائمی بر امنیت ، بر یقینلق تأمین
ایدیله جکندن بحت ایتدیکی زمان . . .

محیب

- سوزینی کسه رک ، ایکلیه رک -

- صوص ! . . . رجا ایدهرم . . .

بیخان

- مستهزیانه -

- بو خارق العاده ذکائی، ده‌های نسویتی آلفیشلاش و بلا
تردد، حتی اصرار ایله موافقت ایتشدیکز . . ایش پک چابوق
نتیجه‌لندی . . و سز، اوندن بر آی صکره بر زوجه‌یه دکل،
سوکیایکز، زوجه‌کزک ینکه سیله قیدسز، تهلکه‌سز یشامق سعادته
خائل اولدیکز . . آرتق دماغ‌کزده بویون اتخار فکری زائل
اولدی . . آرتق حیات‌کزده عصرلری یوتمقی ایسته‌ین بر حرص
واردی . .

نجیب

- بوغولور کبی -

- بیخان ! . .

بیخان

- مستهزیانه -

- ایشته شمدی، شو صیره‌لرده حس شاعریته‌کز غلیبان
ایدیور . . کیم بیایر، بلکه اونک کبی سزکده شمدی‌یه قدر
سکوت‌ایدن انسانیت‌کز، مردلک‌کز فوران ایتدی . . وجدان‌کزی
خاطرلادی‌کز، زوجه‌کزک خسته، صوافون سیامی قلب‌کزه
طوقوندی، رقت‌کزی، مرحمت‌کزی تحریک ایتدی . . بری
طرفده اوتوز، اوتوز بشلک بر قالدین، بر فاجره واردی، که

آرتق قوللر كزه ، دوداقلر كزه عرض ايدەجك طراوتى .
لطاقتى قالنامەشدى . . .

محبب

— منفعەلانە —

— نانەكۈر ! . . .

يېخان

— غەرىب برصورتدە كۈلەرك —

— آه اوت !... چونكە قىساقنىڭ دىكەدى . . . چونكە
سويىوردى . . . فقط تأسف اولنور كەك آز تەقىر ايدىان صميميت
وصداقت اولدىنى ايجون . . . شمدى . . . بى تابانە — برسەنە اول
آياقارينە قاپاندىغىكەز سلطان . . . شمدى قەۋكەزدە برقول اولغەيىلە
لايق كۈرۈلميور . . . ودييورسەكەز كە : « بوچۈرۈك موقەدە حاللا
ثبات ، فضالە برجنت دىكىدەر ؟ » اوخ محبب بك ! . . . پەك لطفكار سەكەز
— عصبىتە — فقط رجا ايدەرم آرتق . . . هويتەكەزى كىزلەين شو مەردار
ماسكەنى قالدىرىكەز ! بكا اويلە برلوت كۈستريكەز ، او قدر ايكەرنەيمە
او قدر ايكەرنەيمە ! . . .

محبب

— آجىنەجق برحالدە —

— بكا اعتماد ايتىزمەيسەك يېخان ؟ . . . اوليور . . . آكلاميور مەيسەك ؟ . . .

يېخان

— يا بن محبب بك . . . بن صاغى قاليورم ؟ . . . مەضطربانە —

آغلار کی - اضطراری آ کلاماق ایچون سزک قدر لاقید، سزک
قدر متقرر اولمی !! حالوکه بن ... قوغولدیغ، رد اولندیغ حلد

مجیب

- شکایتکارانه -

- یخان ... یخان !!

یخان

- کریهلی بر سسله -

- حالا « س-ویورم ! » دییه حایقیرمق ، حایقیره حایقیره
اولمک ایستیورم . .

مجیب

- تتره بهرک -

- لکن چاره ، یخان ! . . بو جنایتی بویله هتمادیا اجرا
وجدانه کران کلور؛ کیندمدن نفرت ایدیورم . . نه یالیم یاربی ؟ !
نه یالیم ، که هر شیئی بر آنده تعمیر ویا محو ایتسین ؟ !!

یخان

- مجیمک الیرینی طوتهزق بر

لحظه تفکر دن صکرا -

او حلد ؟ ! . .

- صاچلری چوزولور؛ سحرانه

یاقلاشیر ؛ تسلیمیتکارانه -

او حلد ؟ ! . . دوام ایت ! . . حیاتم دوداقلریکه تعلق

ایدیور ! . .

محبیب

- متحیر و مدهوش -

- او حالده . . هپ رؤیا الهم . . نه مدهش انجذاب . .
نه مشکل حال ! فقط وجدان . . قلبم . . !

یخان

- اندیشه‌لی ، متجسس -

- تردمی ایدیورسکز؟ . . - محقرانه - ایسترسه کتر ستره
قولای بر یول کوستره‌یم : یاواشه‌جه قیوبی آچار، زوجہ‌کزه
عودت ایدرسکز! صکره هر شیئه الوداع! . . ماضی‌یه ، حاله ،
امیده ، هله شو حقیقته ابدیاً الوداع! . . - درشتانه - جواب
ویرمیورسکز! . . - بر قاج آدیم اوزاقلاشهرق ، لاقیدانه -
هم بر تهاسکه ، بر وقعه وارکه . . احتمال . .

محبیب

- متحیرانه و متلاشیانه -

- چابوق سویله! . . .

یخان

- کوله‌رک -

- شکیب بر آز اول بوراده ایدی ده . .

محبیب

- شاشقین -

- نه آرایوردی ؟

يخن

- مستهز يانه -

- وصال !

محبوب

- متحيرانه -

- بئله اكله نيورسك يخن !..

يخن

- بالعكس پك جدى ! .. اعلان عشق ايتدى . . زمانلرجه
ضبط اولنان بر فرياد ! ..

محبوب

- صميمى ، اللهم ! .. نه ياپدك؟

يخن

- دوداقلارنى بوكهرك -

- پك طبيعى ترزىل ايتدم ، قوغدم قپودن
چيقاركن كوزلرى پارليوردى ..

محبوب

- مضطرب -

- نه ياپملى ! .. نه ياپملى يخن ! او حالده عودتده قابل دكل ..
ديك پك كچ قلدق ، ياربى ! .. - سرسم سرسم - او حالده سن
قراروير ؛ - ديشلرى بر بزينه چارپيله رق - بنده اطاعت ايده يم ! ..
ينيمده قوت قالمدى - كوزلرينى قلديره رق - متحيرم اللهم ! ..

یخان

— عن مکارانه —

— او حالده قاچالم !!

— قپو شدتله آچیلیر ... نویره
بیاض کیجه لك انتاریسی ایله بر
اولو کی ، صاچلری داغنیق ،
صولغون، صاللانہ صاللانہ ایچری به
داخل اولور —

دردنجی مجلس

« اولکیلر ، نویره »

نویره

— بر الیله اشارت ایدرک، قیصیق،
باغین برسسه ، بر خیاله خطاب
ایدر کی —

— صمیمی ؟ ! ..

— یاواش یاواش دوشمر؛ بایلیر —

مجیب

— حایقیره رق نویره به قوشار ؛
قوجاقلایه رق یردن قالدیرمتی ایستر؛
مجنونانه حایقیریر —

- نویره! . . . نویره! .. آمان یار بی !! امداد ایدیکنز! ..
جواب ویرسه کٚه ، نویره! .. باق . . . بنم . . . مجیب! ..

- قوجاقلایه رق بر قولته-وق
اوزرینه قویق ایستر؛ دوداقلرینی
آلنه تماس ایتدیره رک -

سکا دیورم نویره! .. - بوغوق بر سسله - بکا بایلدیغنی
سویلیکنز!

- چهره سنه دقتله باقار ، دهشتله
حایتیره رق -

آه، قان! . . قان! . .

بیخان

- تیتیره رک فرار ایدر -

- اوخ . . . اوخ! . .

مجیب

- زوجهنی بر قولتوق اوزرینه
وضع ایدر؛ متعاقباً شدتله بیخانک
قولندن طوته رق، اونو وکندی
اقناع ایدر کی غریب بر حالت
روحیه ایچنده ، مجنونانه زو -
جهنی کوسترر -

- ايشتهقان!.. كورميورميسك اوليور!.. - يومرو قاريني
صيقه رق - قان!.. -

- بيخان خفيف بر صيحه ايله قولنى
قورتارر؛ مجيب بر صانداليه
اوزرينه ييغيله رق، مغموم و آنجق
ايشيدياير بر سسله -

- مرحتسنز!.. -

— پرده —



اوچنچی پرده

- بر بوجوق آی صوگرا -

« برنجی مجلس »

﴿ مجیب ، نوره ﴾

- وقت، نصف الیل... کوچک
بر سالون؛ ساده مفروش . صاعده
وصولده برر قپو : وصولده کی
نورمه نك یاتاق او طه سنه، صاعده کی
مجبیک کنه آچیلیر . . . جبهده
خارجی سالونه آچیلان دیگر بر
قپو دها واردر. . . گوشده بر
یازی ماصه سی . . .
مجبیب، ماصه اوکنده بر کتاب

اوقۇمقا مەشغۇل بولۇنور . . .
 چەرەسى سارارمىش ، ضەيفلامىش
 كورۇنور ، بىر مەدەت كىتاب اوقۇر ؛
 سوكرابى تابانە ئۇندىن كىتابى پراقرىق
 بىر مەدەت دە دوشۇنور ؛ كوچك
 صالونك سىكوتى يالكىز دىوارە
 مەربوط ، كار قەدىم آصمە بىر ساعەتك
 آھنك حركەتى اوقشار . . سولەھكى
 قەپۇدن غايت بىر مەجال ، لىزان
 آدىملارلە ، بىياض كىچەك ئۇتارىسىلە
 بىر اولۇيە بىكزەيەن نۇپرە كىرر . .
 مەجبۇب اولالا كورمىز ؛ سوكر اخائفانە
 و مەھالكانە قوللىرىنى آچەرق
 استىقبال ايدىر —

نۇپرە

— قەدىمى بىر تەسەللە —

— غىزارەيسىگىز ؟

مەجبۇب

— كىتابەسى ! . . — سىر زىننىكارانە — نىچۇن بۇيلە سۇيەلە -
 يۇرسىك ؟ نى جىرىھەدار ايتىمكەدە بىر ذوقى دۇيۇيۇرسىك نۇپرە ؟

نویره

— عین تبسم ، ضعیف برسسله —

— قورقوتدمی سزی ؟ . . او قدر داغیندیکز که . .

— مکدرانه — نیچون بیلم ، سنی متفکر کوردکجه قلبمه بر
قورقو کیریور !

محیب

— متألمانه —

— نویره . . . — زوجه سنک او طور مسنه یاردیم

ایده رک — فقط بویله چپلاق اوشویه جکسک ! . . سنی اویو .

یورسک ظن ایتدم . . بر ساعت اول والدک ، شکیب بوراده

لردی ؛ قومشولردن بحث ایدیورلردی ؛ بر قاج هفتهیه قدر

استانبوله دونه جکلر مش . . والده کز بو استه جالی غریب

بولیوردی . شکیب بر آاز اندیشه لی کورونیوردی . — زوجه سنک

صاچارینی اوقشایه زق شفقتله — او قدر کوزل اویویوردک ، که . .

کتابی اوقورکن تنفسکی دیکلیوردم . . اینی وفائده لی بر اویقوا

وامینم ، که راحتک . . ایشته اوشویه جکسک نویره ! . . کلغمی

چاغیره می می ؟

نویره

— آلریله منع ایده رک —

— اوخ . . . خیر ! . . کیمسه یی ایسته م ! . . .

— مكدراڻه باڻي ساللايهرق — بو آقشام يالکز سنڪله قالمق
 ايسـتيورم . . . اچري يه بري کيررسـه ، بکاويله کليورکه
 بتون ذوقزي قيره جق . . . سن لطفآ اچريدن پهله ريڻي
 آيرسک ؛ وسنڪله يويله باش باشه يالکز قاليرز . . . صحيح
 هوا صوتوقش . . . طبيعي ، تشرينار . . . فقط اوشومبيورم ، امين
 اول ! . . .

مجبب

— اچريدن آئنده پهله رين عودت ايدركـ .
 — بوقدر راحتسزکن يتاغكي ترك ايتمک ! . . چوجق ! . .
 سسکي دويسـه بدم ! . . بوراده اوفاق بر اشارتکه منتظردم
 — کولهرك — ايسته سهدك سکا مصال ، نينني ده سويلردم !
 — کولهرك — نویره

— ضرر يوق . . . ضرر يوق ! . . ذاتآ قارائلق ، کيجه
 قندبلي اچمي صيقيوردي . . . — متلاشيانه — اويانديغم زمان غريب
 بر قورقو اچنده ايدم . . بوراده لاه باضياني کوره رڪ . . . قورو
 بر اوکسـوروکله صارصيلهرق — دهـا ياتمديغكي آ کلادم . . .
 سويندم . . .

مجبب — انديشه کارانه —

— نصل قورقو ؟ . . . نه قدر وه مسک ! . . . — آني
 زوجه سنک آئنه تماس ايتديره رڪ — اوخ تراييورسک ! . . .
 نویره — اوکسوره رڪ —

— بر رؤیا !! —

عجیب — کولمکه چالیشهرق —

— بر رؤیایم ؟ . . . او یله ایسه یارینه صاقلا ! . . . کیجه
رؤیا سویله مک اینی دکلدر ، دیرلر... ارقه که بر یاصدیق قویهلم...
راحتمز او طور ییورسک !... یاصدیغی وضع ایدر؛ینه کوله رک —
مطلقا ضیا ایله مشبوع بر بولوط... بن وسن... بر چیفت بیاض
قوغو قوش-ولو، بللور بر آرابه... نوردن برده کیز ایچنیده ،
اوزاقده مائی بر ساحل کبی طوران ابدیته طوغری قوش-یورز،
دکلی ؟ .. ط-ور ، تعبیر ایدیم : اییاک ، بولوق .. س-عادت
واستقبال ...

نورده

— بر تبسم خوف آمیز ایله

متهالکانه —

— بالعکس عجیب ! .. غریب وقورقونج ! ..

عجیب

— نه . . . نه او یله ایسه یارینه ! ! . . . یاخود
قیامته ! . . . مجرای ده کیشدرمک ایسته یهرک — چوق او کسور-
ییورسک دکلی ؟ . . . آه بودقتسزلک، مساحه ! ! . . . اوافق بر
صوئوق آغیناغی ، باق ، قاچ آیدر سنی بیزار ایدیور ! بوصباح
دوقتوره اندیشه لی، تلاشی : « نصل ؟ » دیدیکم زمن، بکانظرلری

مستهبانه ، صانکه : « چو جوقسه کز ! یمین ایدرم که برشی
یوق ؛ عادی بر اناوئزا ! . . . » دیمک ایسته یوردی . . .
فقط دقت ایتملی ؛ صوک درجده احتیاطی اولمی ؛ معاذاه بوضعف
بشقه خسته لکارده مساعد اوله یایلر . . .

نوره

— مستهبانه ، منفعلانه —

— توجه بیورولیورمی ، دیهیم ! . . . تشکرلر ایدرم !
— متعبدانه و متوکلانه کوزلرینی سایه توجیه ایدرک — یا کیلیور-
سک عجیب ! . . . بن کندی بیامیورمی ؟ ! جکرلرمک هر
تفسده صیرلادیغنی ، صانکه بیرتیلدیغنی حس ایدیورم . . .
— اوکسوره رک — یا بو بایقوش ؟ . . . اوخ ، اینانمق ده بر
سعادتمش ! بونکله برابر انسانده ، محقق بر فلا کته قارشی درین
بر تسامیت ، آجی بر تسلی حاصل اولیور . . . اولوم ..

عجیب

— سوزینی کسهرک فریاد ایدر —

— نوره ! ! ! . . .

نوره

— ایشته بوقدر یقینمده کوردیکم ، یاصدیغمک آلتنده تنفسنی
دیکله دیکم اولوم بيله سیخره بر حبش چوجق کبی نی اکلندیریور .

عجیب

— ایکیله رک —

— راحتسز سگز نویره ! . . . یاتمق ایسته مزه یسک ؟ . . .
 - دیوارده کی ساعته باقهرق — اوو ، وقت ده کچمش ! — در
 آغوش ایدرک - یاتمق ، کوزم ! . . .
 نویره

— لاقیدانه —

— سنی راحتسز می ایدیورم ؟ . . . ایسته آرتق صوصه جغم .
 — اوکسورر — بو صوصیورکه ! . . . فقط یاتمق ایسته مم ؛
 یاتمق دن ، کوزلمی قایامقدن او قدر قورقیورم ، که ! . . . یاتارسه مم ،
 آرتق بردها قالفه میه جغم ظن ایدیورم . — کسیک کسیک کوله رک -
 نه غریب وعد ، نه غریب نکول ! . . . حالا کوزم دهک ایدیورم ،
 دکلی ؟ . . . او قدر سه ویلنمکه احتیاجم وار ، که . . .
 - کوزلرینی قاپاهرق بی تابانه — فقط یورولیورم . . .

— باشنی آرقه سنه براقیر . . .
 کوزلری قاپالی ، برمدت بو حالده
 بولونور . . . عجیب راحتسز ایتمکدن
 محترز ، درین برشفقت و مرحمتله
 تماشا ایدر . . . —

نه ایتسز برقراراناق . . . افق یوق ، سما یوق ضیا یوق !
 یالکیز ، تا اوزاقدن اولو آغاچارک روزکارلرله ، قیریلیر جه سنه ا کیان
 دالری ، ایری پاپرافلری آراسنده سونوک برایشیق انسانه
 امید ورن برصفتله کاه کاه ایشیلیدیور بز ، سنسکله ایکیمز

بويله مدھش برکيجده قیامتار قوپاران بر اورمان ایچنده . . .
 قلمزده درین برقورقو . . . سنده قرار سزلق، بنده یأس و امید،
 ایارلیورز . . . باصدیغمز یرلر دیکنلی و طاشلق . . . آیاقلمزک
 صیزلادیغنی، یاره لاندیغنی حس ایدیورز . . . یاغمورلر یاغیور،
 روزکازلر اسیور . . . شمشکلر پارلایور . . . ییلدیریلر دوشیور . . .
 برمدت بويله آقصایه رق، دوشه قالقه دوام ایدیورز . . . جوار
 مزده کی آغاچاری دهویرن، هر ایکیمز ده طاشلره چاربان بر
 صاغناق . . . برزمان اولیور، که بزی بر برمزدن آیریور . . .
 — بیوک ریور غونقله آلرینی یانلرینه
 براقیر، چهره سی کیتدکجه صاراریر —

محیب

— یورولیور شک دیورم سکا! . . . رجا ایدهرم، نویره! . . .
 کلفمی چاغیره می؟ . . . سکا معاونت ایتسین . . . ایسترسک
 بن . . . ذاتاً او یومقی ایسته میورم . . . صباحه قدر سنک یانکده
 قالیرم . . . هایدی نویره! سکا آجیمزه میسک؟ . . . هیچ اولمازسه
 بکا آجی! دوشون، که صحتکده بکاده تعلق ایدن بر لزوم وار . . .
 براق بو خیاللری رجا ایدهرم . . . ماضی، کچن قورقولو بر
 رؤیا . . . حال سنکله بیدار . . . فقط استقبال . . . او تمیز، مستریخ
 سیاستله، آچیق قولار یله بزی بکلیور . . . اورایه! . . .
 اورایه . . . نویره آکلیور میسک؟ . . .

— طوغرولمق ایستیرك متبسم،

ضعیف بر سسله —

— ایشه بزده اورایه کیدیوردق . . دوشدیکم یردن
قالقدیم ، ایخی بن الارمله اطرافی یوقلادیغ زمان . . بیوک بر
یأس ایچنده حس ایتدم ، که سن ، یوقدک ! . . . و بن بوراده
یو وحشی اقایم ، وحشی اورمان ایچنده یالکیز قالمشدم . . .
حایقیرمه باشلادم ؛ سسم آغاچلرک ایکانیسنه قاریشدی ؛ جواب
ویرن اولدی . . . بر آنده بینسی شمشک کبی ، بر شبهه یاقدی ؛
« یا اولدیسنه ؟ . . . » دیدم . . . هر دقیقه جسدکه تصادف
ایتمکدن تیرمه یه رک آلرله یوقلایه یونلایه سنی آرادم . . .
اوخ ! . . . — یأس آمیز بر تبسمله — یوصونلی ، ایصلاق
کوتوکلری قوجاقلامقندن بشقه بر شیئه موفق اوله مدم . . . بر
دقیقه اولدی . که اوزاقدن سسکی ایشدیورم ، ظن ایتدم . . . آرتق
دوشمکدن ، پارچه لانه قدن بیاه قورقمیهرق ، روزکارلره ،
قارانلقارده اهمیت ویرمه یه رک سسکک کلدیکی طرفه قوشمغه باشلادم .
— ینه یورولور ؛ تکرار کوزلرینی
قاپار ؛ برمدت بو وضعیتده قالیر —

حجیب

— زوجهنک صاچلرینی اوقشایه رق ،
آلننه تماش ایده رک ، بر آذرشته نه —

— آرتق صوصه جقسك نویره ! . . . ايشته آتش باشلا .
 دی . . قورقیورم، براختلاج — آغلار
 کی برسله — فقط بوجنتدر، زوالی نویره جکم !
 ایدرم که یارین هپسینی دیکله یه جکم . . . شمدی . . . سکوت
 ایت، الله عشقنه ! !

نویره

— برآز طوغرولارق، آغیر

برسله —

— اوو ! بو نه قدر تلاش ؟ . . . اوله جکمدمی
 قورقیورسك ؟ دیدم یا . . . بن هر شیئه حاضر م . . . سن
 نیچون انتظار اتمیه سك ! . . . براق بوچوجوق شفقتلرینی !
 فقط دیکله ! . . . یارینه، دیورسك ! . . . یارین بر ابدیتدر . . .
 کیم تأمین . . .

مجیب

— تیرهك و ما یوس برسله —

— نویره !

نویره

— لاقید، دوام ایدرک —

— اوت کیم تأمین ایده بیلیرکه یارینه قدر یشایه بیلیم . . .
 خسته لرده غریب برقلب آچیقانی واردر؛ هر شیئی اولدن کشف
 ایدرلر براعتقادلری واردرکه زائل اولماز، تبدل ایتمز . . .

خير . . . — غير مأمول بر قوتله طوغرولهرق — بوكیجه
 ایشته هرشی بیته جك . . . دامارلرمده چاییر چاییر یانان بر قان
 جریان ایدیور . . . بر قوت ، که صانکه بی تکرار یشاته جق . . .
 فقط اینانمه حسننه عجوزه نك ! . . . یالکیز مساعده ایت ،
 سویلیه یم ! . . .

— او کسوردرک —

مطلقا کمال ایده جکم . . . بر احتیاج غریب ! . . .
 — عجیک آغلادیغنی کوردرک —
 آغلیورمیسک ؟ چوجق ! . . .

مجیب

— زوجہ سنی قوللرینک آراسنه آلهرق —
 — استرحام ایده رم . . . مقدسیات نامنه . . . قلم نامنه ، عذابم
 عامنه . . . باری سنک نامنه ! . . . نویره ! . . .

نویره

— فضله سویلیورسک مجیب ! . . .

— قوللرینی زوجنک بویننه دولایهرق

غریب بر تبسمله —

قوشدم . . . قوشدم . بردن آخاچلر بیتدی . . . قارانلقده
 صولوق پارلایان ، بیوک بر میدان چیقدم . . . بر آز ایلریده
 کوچک ، فقیر بر قولوبه جک کورونیوردی ؛ اوجاغندن

چیتن دومان صاورولیور ؛ اوفق پنجره سندن ایشیلدایان صاری
 برضیا ، اوستنه دالارینی اوزاتان بوکورتانلاره عکس اییدیوردی . . .
 صوك بر قوتله یورو مکه باشلادم . . بيلم نه دن . . .

— بردن سسی قیصیلهرق —

قلبمه بر قورقو کیردی . . . یاری یوله کری یه دونمکی
 دوشوندم . فقط ، اوزمانینه اورمانه دوشه جک ، بوسفر اوله جکدم .
 غریب بر تجسسله یاقلاشدم . . . آرتق قولوبه نك دیواری دینده
 بولونیوردم . اوله ، قپوسندن کیرمکه جسارت ایده مدم . . دیکناری
 آیره درق ، آلارمی ، البسه می بیرتدیغنه باقیه رق پنجره دن ایچریسی
 کورمک ایسته تم . . هیات ! بوکوچک پنجره بنم بو یمن
 یوکسکدی . . . ایچریدن کوان بر قادین ، آغلایان بر ارککک
 سسی کلایوردی . .

— باشی الاری آراسنه آلمش

بر وضع مقهوریتله قولتوغنده

بوزیلن مجیه دیک بر نظرله

باقه رق —

بوسس ، سنک سسکه بکزه یوردی ، مجیب ! . . قلبمه جسارت

کلدی . . متحیر و ممنون . . یازما قلمله پنجره نك جامنه ووردق

« مجیب . . مجیب ! » دینه باغیردم — تدریجی قیصیلان سسیله —

بر آنده ایچریده کی ضیا سوندی ؛ قارانلقده پنجره شدتله آچیلدی ؛

چیپلاق بر قول اوزاندی . . صاحبمدن طوتدی ؛ قوپاردی ،

قویاردی . . بن متحیر ، صزلایان ، قانایان باشمی ایکی آلرمله
 طوتهرق : « ایتمه یك ، ایتمه یك رجا ایدرم ! » دییه ایگله مکه
 باشلادم . . صو کرا ، حدتله بنی ایتدی : « دفع اول ! » دیدی .
 و پنجره نی ینه شدنله قاپای . . — ایصیرریر کبی بر تبسمله —
 فقط بن ، پنجره قاپانیرکن کوردم ، که قاراندقده چهره سی ده
 بیاض ، ده قاتل کورون . . .

مجیب

— تلاشاه —

— بنی ایدم ؟ . . بو پک غریب اولور ! . .

نور

— آله نفی اشارتی یاهررق —

— خیر ، بالعکس ، مجیب ! . .

مجیب

— متجسسانه —

— احوالده ؟ . .

نور

— غریب بر تبسمله —

— « احوالده . . . قاجالم ! » دین بر قادین که ایرتسی

کون غریب بر خسته لک بهانه سیله قوجه سنی قاندره رق آطیه
 قاقچشدی . . .

محبیب

— شائقین ، باغیردق —

— آ ! . . . یخن ! . . .

نورہ

— عصیبتله —

— اوت سوکیلی بئنگئم ، یخان خانم افندی ایدی ! . .

محبیب

— زوجه سنک دیزلرینه قاپانہرق ،

و آغلایهرق —

— اونوت ، دیمشدم ؛ آم انصافسزسک ، ظالمسک نورہ ! . .

مرحمت ایت ! بنی اولدور ! . . فقط آرتق صوص ! . .

اونوت ، الله عشقنه ! . .

نورہ

— کسک برسله —

— اونوتمی دیدیکز ؟ . . اوت سزه وعد ایتشدیم .

لکن ، ینه تکرار ایدیم : بو کیجه هر شیئه قاتلانیاير ؛ وعدہ

تمام اولور ؛ امید کسلیار ؛ هر ایش بیتر . . . حاضرلقار

کورولور . . . صوکرآ ، درین برتوکل باشلار . . قلب منفعتسز ،

حسابسز سوکیلرله مشغول اولور . . — دالغین — اوخ . .

چوجوقاق صفوتی ! . . غرضسز ، تمیز . . . اوکسوره رک-

فقط نه بیوک هچلاک ، یاری ! . . . بر زمانلر قابمه صیغدیره .

مدیغ بو حیات ، شمدی بر دومان کبی ، رنکسز ، صولوق ،
 اوچه جق ! . . . تضییق ایدیسه — اَلنی آچهرق ، پارماقارینه
 دقت ایدر کبی — آووجی دولدورمیه جق ! ذاتا سن اولمسیدک
 هیچ بر شیئه تأسف اتمیه جکدم . . . اوده اولسه یدی سنی بیله
 دوشونمیه جکدم ! . . .

محجیب

— مکدرانه —

— بکا حالا اینانم یورمیسک نوره ؟ . . . یاربی ، او بر
 بحراندی ! سن فکرمی ، جسمی او قدر پریشان ایتشدک ،
 او قدر ضعف واردی ، که بر دلی کبی جریانه تابع اولیوردم . . .
 بایرمیسک ، او آقشام « بزی یالکیز براق ؛ چونکه حیاتمزی
 زهر لیورسک ! » دیه یالواریوردم . . . — نوره نک ایچنی
 چکدیکنی کوره رک — سنی صیقورمی یم ؟ نه قدر چتین بر بحث !

نوره

— تسلیت آمیز بر تبسمه —

— دوام ایت ! . . . — باشنی آرقیه دایار ؛ کوزلرینی
 قاپار — خوش بر اعتراف ! . . . بکا تبلی ویریورسک ! . . .

محجیب

— عصبیتله ، دولاشه رق —

— زنکین ، لاقید بر عائله نک ینه لاقیدانه وساطتیه دنیایه
 کشدم ؛ والدیم ، شفیق ، مسامحه کار ؛ پدرم ، صابنک اصلتنه مغرور

بولنديڭى ايچون ېنى ، طبيعى بر نشو و نمايه ترك ايتىشلاردى .
 مع مافيه فطرتىك اقتضاسىنه تابع ، عائله مك خصوصيتنه وارث
 اولشدم . مثالا : حساس ، بونكله برابر لاقيد ، عصبي ،
 ماجرا پرست ، بر آرز خفيف ، جديتدن بر آرز متباعد ،
 آرز چوق خياله تابع ، فقط ناموسكار ، صاف ، رحيم ، فداكار...
 بالخاصه خلقتىمده فاجىملار ايجاد ايدن بر خاصه مكبره واردى . . .
 فقط كورييورسكزكه حياتيه كافى سالاھلرله مجهز كلمشم ؛
 محيطى سراب آميز بر رؤيا صورتنده كورويوردى ؛ اوراده
 بتون عكسار ، نياوفرلر ، كوپوكار ، صدارل تشكىل ايدىيوردى ؛
 وبن بو محيطه تسكين اولونه ماز بر صوسزلق ، بر حرارتله آتياشمدم .
 - سكوت ايدر ؛ بر مدت عصبي
 هيچانلرله دولاشير ؛ صوكرا
 يورغون بر قولتوق اوزرينه
 كندىنى آتهرق -

پدرمك مأمورا بولنديڭى طشره دن يكي كلمشم . فطرة
 ازواي سومكله برابر طشره حياتىك عطالتىنى اوصانديره شدى ؛
 غلبه لك ، جوال بر عالمه احتياجم واردى . . . اوچ آياق تعطيل
 زمانى ايله بتون برسنه لك محروميتنى تضمين ايتىك ايسه تين بر
 دارالفنون طلبه سى خشار ياغيله يشامق ايستيوردى . نصل
 اولدى بيلم ، قاضى كوينده اقامته قرار وىردى . . . - ايچنى
 چكرك - نه مدھش خاطرات ، ياربى ! . . .

نورہ

— سنی دیکلیورم ! . . .

مجیب

— آہ ! . . . کنجلاک ! . . . دامارلرمدہ قاینہ-ایان قان، بکا
نامتناہی بردوق حیات ویریوردی . ایشتمہ بو بحران، بو افراط
حالندہ - یوقونہرق - ینکے کزہ تصادف ایتدم ؛ بالخاصہ
خستہ حالی ، یورغون نظری، نظر دقتمی جلب ایتدی . . .

نورہ

— مضطربانہ -

— اوف ! . .

مجیب

— سرعتله زوجہ-سنہ عودت

ایدہرک اندیشہ کارانہ -

— سکوت ایدہیم می ؟

نورہ

— اوکسوردرک -

— اوخ، خیر . . . خیر . . . بر زهر . . . فقط حیات

ویریور ! . . . بر آاز جسارت ! . . . میریلدانهرق - نه خوش !
نه خوش ! . . .

مجیب

— قابلمده ماهیتی مجهول بردوق ، بر جنتله بو اوچورو می

تَعْقِيبِ ایتدم . . . زمین او قدر اینیش، او قدر مجلا ایدی، که بی
 سنه لرجه وصول ممکن اولمایان درینا ککرینه چتکدی؛ او قدر
 سریع بر سقوط، که بی، موقعی، حتی هویتی دوشونمکن
 منع ایدیوردی . . . و بومش-ئوم مناسبت، ایشته بویله هیچ
 برشيله تسکین حرارت ایده مین، بتون مانع لری، حائل لری
 پارچه لایان بر قوت و شدتله کیتدکجه کسب متانت ایتشدی .
 - متنفرانه - بر زمان کلدی، که آرتق هرشیئه قرار ویريله
 بیلوردی . . . - آلريله یوزینی قاپایه رق - ایشته بوسره ده
 سزی تکلیف ایتدیله؛ بالطبع درین برحیرت، دوشونه مه مکدن
 متولد برعجز ایچنده قبول ایتدم . . . اوت بو بر اتخاردی،
 جنایتدی، دنائتدی؛ فقط یمین ایده رم که بونده قصد یوقدی؛
 چونکه مجنوندم . . . اویله بر رؤیا ایدی که - ماتمی برسسه -
 ایشته اویاندم؛ بخش ایتدیکی جنتار جهنم کسیدلی . . . برنشئه
 ایدی؛ - بدینی فیلامقدن منع ایدر کبی ایکی آلريله باشنی طوته رق -
 شمدی خمارى بدیمی یاقیورا! . . .

نویه

- قیصیق برسسه -

— خوش! . . .

محجیب

- مفتورانیه -

— ایلاک آنلر . . . اوت، پک خوشدی! . . . صوکرالری

بر ياراسه يوشاقاغيله آلر مه دوقونان حقيقتدن اورکدم . . .
 قلبمه بر طاقم ضد و آلیم حسار اوياندى ؛ سعادت ، حضور
 بيتدى ؛ قلبمک بومدهش هذيانى قارشيسينده آيلرجه مضطرب
 قالم . . . فقط ، سينده کيتدکجه وجداننى خيربالايان برضعف ،
 آکلاشيلماز بر مرض باشلامشدى . . . اولجه بر چوجوق
 شطارتيله محيطمى دولدوران نويره ، صوکرالرى سسسز برکولک
 بايغين برتبسم ، صامت برحزن حالنه کلشدى . . . ایکله يهرک -
 کرى يهرجمت برينک اولومنى ، ايلرى يهرآديم ديکرينک محوئى .
 موجب اوله جقدى !

نويره

- بايغين ، آسيک برسيله -
 — بنى آجيند بريورسک ! . . . صانکه . . . اويله بروالده -
 يمکه اولادينک قاتانى سويور . . . - اوکسوره رک - بررومان !

مجبب

- مکدرانه -

— اوت . . . بررومان نويره ! . . . اويله بررومان ، که
 بتون يأسدن ، ظلمتدن ، مرکب ! . . . هر صحيفه مى جنايتلرله
 طولوا . . . اويله بررومان که برمعمای ظالم ! . . . فقط آرتق وجداننى
 اسکات ايده مدم ؛ موقعى تحکيم و يا تخريبه مجبور اولدم . لکن
 نصل ، نصل ياربى ؟ ! . . . ناکه ان بوظلمت ايچنده برشمشک
 بکا طريق سلامتى کوستردى : « انتخار . . . » ديدم ؛ وطن

— يىڭكە كىز ! . . .

نۆيرە

— بى زۇج بىر جىسدى كېي قولى توغرى .
اوزىنىڭ دوشىرىڭنىڭ ئىچىنىڭنىڭ ،
كىن ئوقۇتۇشقا ئىزدەش .

— آخ ! ! . .

— باش ئارقىسىغا ، كۆزلىرىڭنىڭ
ئورنىغا ئالماشتۇرۇشقا ،
ئورنىڭنىڭ بىر كىشىگە ، بىر ئادەمنىڭ
ئورنىغا ئالماشتۇرۇش . —

مىجىب

— مىجىبىيە ياكى ئاشۇرۇق .
— نۆيرە . . . نۆيرە ! آھ ئولدىمى ، يارى ؟ . . نۆيرە ! . .
— ئالدىنقى ئورنىغا ، ئالدىنقى ئورنىغا .
— ئالدىنقى ئورنىغا ، ئالدىنقى ئورنىغا .
— نۆيرە . . . نۆيرە ! . . ئالدىنقى ئورنىغا . . .
— ئالدىنقى ئورنىغا ، ئالدىنقى ئورنىغا .

.. كەڭ . . كەڭ . .

نۆيرە

— كۆزلىرىڭنىڭ ئورنىغا ، ئالدىنقى ئورنىغا .
— ئالدىنقى ئورنىغا ، ئالدىنقى ئورنىغا .

ایستر؛ فقط تبسمی بر تقلص موتائی

اولور . . متغیر کسبک برسسله -

- قورقه ! . . . بر بایغیناق . . . بکا یا تاغمه قدر مع-اونت
ایدر میسک؟

- متلاشیانه سالونه کیرن کلفمه خطاب

ایده رک ، صوکه درجه آغیر برسسله -

اوشویورم ! . .

- بر اشارتله زوجنه یا قلاشمی آکلاته رق-

بر آز یقین . . . بر آز دها . . .

- قالدیر مقده کوچلاک چکدیکی

قوللر نی بوینته دولایه رق تیرمه

دوداقلر نی آلتنه دو قوندورور ؛

میریلدانه رق -

نه قدر سوهرم سنی یاشامق ایستردم . .

- اوکسورمه که مقتدر اوله میهرق

بر اختلاج صدری کوستر -

- فقط . . . ایشته اولیورم ! . .

- آغلامق ایستر؛ کریمه سی عظمی

بر خنده اولور؛ آغیر، قدیدی بر

حرکتله زوجنه انکا ایده رک

قالقه جق اولور، تکرار دوشر ؛

برشی سويلك ايستر؛ موفق اولماز.
كوزلى آغير آغير قاپانير .. باشي
آرقده، چهره صاري، ساكت قالير.

مجب

- حايقيره رق -

- نوپره ! .. نوپره ! .. جواب ويره سكه نه ! .. كلفم
كل، معاونت ايت ! جواب ويره نوپره جكم !

- آلريني طوتار ، فقط جانسنر

دوشر .. قوجاقلار ؛ قالدير مق

ايستر؛ جسد، بي روح ، ييغياير ..

عادتا مجنونانه قوشه رق حايقيره ر-

امداد ، امداد ! ! .. يتشكيز ، قوشكيز ! ..

- ديشاردن برچوق آياق سسلري،

كورولتولر ايشيديلير ساله

خانم ، شكيب ، كلفم ، براوشاق

ايچري يه داخل اولور كن پرده اينر -



دردنجی پرده

«آتی آی صو کرا»

- هکبه لیده کوچک برأوک کوچک
برصالونی -

برنجی مجلس

«مجیب یالکز»

- برقولتوغه کومولش، متفکرانه
جیغاره ایچمکله مشغول بولونور.
یاننده کی اوافق ماصه غزته لر،
حقه، کاغد، قلم کی شیارله محمول—

مجیب

- کندی کندینه سویله نه رک -
- نه غریب تحوالر... صانکه بررومان... فقط اوقدر ماهرانه
صنعتکارانه یازلمش بررومان، که ایشته بتون حادثاتیله یاشایورم...
روحده، مدید برفورطنه نك صو ک یورغون دالغه لریله آرتق سکونه
حاضرلانیان بر لیمان حضوری وار... صانکه کوردیکم عجیب بر

رؤیا ایدی ؛ شیمدی اویقوسنده درین بر اوچورومه دوشرکن
اویانان سرخوشلره بکزه یورم .
- کوله رک -

صحبیح ، مجیب ، پک صاغلام ، پک تحف بر حریفه مشک ! ..
ایشته اوچ سنه اولکی حال ! . . . ایشته عین موقع . . . عین
خصوصیت ! - ینه کوله رک - یوقسه بر رؤیادن دیکرینه انتقال
ایتمش اولمیهیم ؟ - اطرافنه کوز کزدیره رک - یالکز شو
ماصهیی ، اوستنده کی اورتویی طانییورم . . . متفکرانه -
صحبیح ایکی کوندر هیچ دقت ایتمه شدم ؛ بتون اشیا ، بتون
وضعیت عین حالده . . . - کوله رک - دیمک صاغلاملقده ،
ثباتده یاریشه چیمه مشر ! صحیح ، نیه اولدم ؟ صانکه
غریب بر سره مظهرم . . . ألم ، کدر ، مبارزه ، احتراض ، عشق ،
حتی اولوم بکا قوت و متانت ویریور . احتمالکه - آینهیه
بر نظر سریع عطف ایده رک - ماده بر آز غیب ایتم . . . معنائ . . .
اوکی آنا یومروقلری آلتنده نصل بو یودیکنه شاشیلان کوربوز
برچو جق ! آغلیور ، ایکلیور ؛ فقط ، صانکه هپسی بر
قهقهه حیات ، مفرط بر سعادت . . . بش دقیقه صکرا کوزلر
پارلار ، دوداقلر کولر ، چهره آل آل . . . ایشته سکا بر
غریبه ! . . . یوق یوق مجیب ، سن برجنوارسک ! . . .
- متفکرانه و متحیرانه دولاشه رق - فقط بتون بوجمعهده بر
اکسیک وارکه . . . صانکه بر جسد ! . . . اوکا بر روح ایستر . . .

بر آژ تأخرله قوقه جق ... صانکه بر کل ! رنکه ، قوقویه
 محتاج ! ... بر قار انلق که ... — بردن صاندالیه لره دقت
 ایده رک — تحف وضعیت ! ... پنجره آچیق اولسه ، ضیا ایله مشبوع ،
 معطر پر روزگار صاچلرینی اوقشایه جق ... — متخیلانه —
 دوداقلرنده کولمک ایسته یین برمرارت وار ... کوزلر غیر معین
 نقطه لره سوزولوش ... احتمال ، بن بوقدر یقیننده ، غریب ، دلبر
 وضعیتنه مبهوت ، سایه سنده ضیادار ایکن قار انلقارده ینه بی
 آرایور ... شمدی بر طوفان ، بر موسیقی اوله جق ! ... بر
 بوسه کسپله جک ! ... میریلدانه رق — اوخ ، آلمه تماسنی حس ایدیورم !
 — متوهانه — کل ، کل یخان ! ... یالکیز سن اکسیکسک ! ...
 بوراسی سننر علیل اولور . سن اولماز سهک بوراسی هیچدر !
 سن اولمه سهک هیچ برشی ده اولماز : ضیا ، سهکون ، ظلمت ،
 صدا ، عشق ، حسن ... بن ! ... کسپک بر سسله — کل !
 کل !

— بر مدت متفکرانه دولاشیر ، صکرا

قارشیده کی پنجره بی آچه رق —

اوو ! ... بونده بر آژ یکیمک وار ! ... — معاینه ایده رک —
 کیم بیلیر ، هانکی انصاف سز روزگار لرله چور ووش که ده کیشدیرلش ...
 — دیشاری به باشنی اوزانه رق — باقلم بزم قومشولرده یرنده می ؟
 های های ! ایسته زواللی قانبور ! ینه بیتمز ، توکنمز بر غیریاتی ایله
 ما کنه سنی چو یریور . ایشنه مادام صوفی ! ینه مطبخ ایشار یله

مشغول . . . ماری تاهل ایتش غالباً . . . چونکه صارارمش ،
 قورومش . . . - بردن تحواله مایوسانه - زواللی نویره! ایشته،
 سنده بویله مشئوم بر ازدواجك قربانی اولدك!.. سنده صاراردك،
 صولدك!.. سنده نهایت اینجه دالی اوزرنده چورویهرك دوکیان
 بر قیر چیچکی کی طبیعتك وحشته مغدور اولدك! - ایچنی
 چکهرك - کشکه شو قارتی چکه مهین بالقجی قاریسی قدر مسعود
 اولدك... هیات... او او یله مست و نامحدود بر عمار ایدی، که
 اینجه بر روزکار اوکا دوامسن خارملر، اشمئزازلر
 ویرمشدی؛ ایشته، سن او اشمئزاز، او خاره ایدك! . . .
 مدھش، درونی بر جریان سنی صارپ ساحلاره، وحشی قیالره،
 قاراناق قوغو قله سوروکه دی؛ اوراده پارچه لاندك، سوندك، بر
 فیصیاتی حالنده!

- قپو آچیلور؛ ایچری به اختیار
 بر روم قاریسی آئنده بر چای
 تپسیله داخل اولور -

عجیب — دالغین بر حلدہ —

نه وار ماری؟

ماری

- تپسی بی ماصه اوزرینه قویهرق -

— چایکز! .

- چیقار -

محبیب

— پنجره بی ترک ایده رک متفکرانه

کزینیر؛ سرزنشکارانه —

— اوو، متانت محبیب! . بنه ضعف کوستریورسک! . .

ینه ماضی به عودت ایتدک! . . . — غریب برتبسمله — اوخ ماضی،

ماضی! . . . نه قدر قانلی، نه قدر دلبرسک! . . . — انمکه بر

زقوم! . . . فقط زهرلی . . . — شدتلیجه — صانکه سن نویره!

فقط یخان . . . — ایکله یه رک، چاغیریر، آرانیر کبی مست خیال —

یخان، یخان! ! . . .

— قپو تکرار آچیلیر؛ ماری آئنده

طوتدینی قارتی برماصه اوزرینه

براقیر —

محبیب

— منفعلانه —

— کیمدر بو؟

ماری

— کنج بر افندی! . .

محبیب

— یاربی . . . بنی بو اینده ده می بولدیلر؟ . . . — درشتانه —

نیچون یوق دیمک، بوراده اوطور میور دیمک، ماری؟ . . .

کیم بو عجب؟ . . . — قارتی آله آله رق متهججانه — آ، شکیب!

— ماری به خطاباً — کتیر! . . .

- ماری چیقار -

نصل، شکیب ها ! . . . عجبا نیچون ؟ . . . بورایی نصل
بیایور ؟

- قپو تکرار آچاییور ؛ شکیب
کیرر ؛ چهره سی بر آرز صولغون
کورونور -

ایکینچی مجلس

« مجیب ، شکیب »

مجیب

- سلاملایه رق -

— اوقدر غیر مأمول بر زیارت، که . . . نصل، شکیب بک
بوراده بولونسون ؟ - معنیدار کولومسیه رک - آه مطلقا بر
ماجرا . . . اوفاق، اویناق بر حکایه ! . . .

شکیب

- کولمکه چالیشهرق مجیبک ألفی

صیقار -

— بالعکس . . . بر تصادف !

مجیب

- بر صاندالییه اوطورر -

— غریب ! . . .

شکيب

— استانبول ، بيلورميس-کيز ، نه قدر باصيق ، قس-وتلی
اولدی... هوا دائما صاغناقارله دولو ؛ س-وقاقار دار ومردار ؛
منظره هرج ومرج ... ييقيق ، خراب . . . بتون قيش صانکه
خسته ايدم . . . او قدر صيقليلوردم. که . . . بو صباح کوزلرمی
آچديغ زمان کونشک نشئهلی ضیاسی نی چوجقار کی سويندیردی ؛
عجبه مه کيتمکی دوشوندم . . . بيلورميس-کيز ، شمدی بورغازده
اوطورييورلر . ذاتا ينکه می برآزده راحتسز ديه ايشتمشدم.
بو صورته تجارتله زیارتی قاریش-دیرمق ايشتم ؛ درت بوچوق
واپورینه بئندم . کیمه راست کلسهم بکه نیرسکيز ؟

محبيب

— بهيج دکلی ؟

شکيب

— آ ، زه دن بيلورس-کيز ؟ . . . اوت ، اوده بوراده
اوطوريي-ورمش . . . بر ايکی کون اول نقل ايت-ديککیزی ،
مردمکريزانه ياشاديغکیزی س-ويله دی ؛ جدا ممنون اولدم . . .
بزدن او قدر قاجشديکيز ، سزه او قدر کوره جکمز کلش-دی که ،
هله تيزم ! . . . آرتق اولاسزی زیارتدن منع نفس ایده مدم .

محبيب

— تشکر ایده رم ! . . . -مفتورانہ- صحیح بورايه درويشانه
ياشامق ايچون نقل ايتدم . . . او قدر کندمی ديکله مکه احتياجم

وار، که . . . مع مافیه یولکیز اوغرادقجه زیارتلرکز بکا صانکه.
 دنیادن بر خبر اوله جق .. ینکه کزک خسته لکی موجب اندیشه می
 عجبا؟ . . . سزه نه تقدیم ایده می؟ آه، چای وارا! - حایقیره رق-
 ماری! . . . - ایچری به کیرن ماری به خطاباً - بر آرز بیسه کوی
 کتیریکیز! - شکیه خطاباً - ایسترسه کز بر آزده قونیاق . .

شکیب

— اوخ . . . اوخ، رجا ایده رم . . . هیچ برشی ایسته مم.
 همان کیتمک ایستیورم . . . عمجه مده یمکه یتیشه جکم . .

محبیب

— اوله ایسه تفصیلات وریکیز! نصلاسکز؟ . . . تیزه کز
 ینه روماتیزمه لرندن شکایت اییدیورمی؟ . . . رفیق بک نصلالر . . .
 یخان خانمک راحتسزلکی خبریله بکا اندیشه ویردیکز . .

شکیب

- کوله رک -

— ایسته بر ساسله استیضاح! . . . اولاً: بن، نه ای، نه
 فنایم! . . . قلابی آجی آجی اوزون بر بوشاق ایچنده یاشایورم . . .
 تیزم، هر آن تسلی به محتاج . . . روماتیزمه لرندن، طبیعی شکایت
 اییدیور . . . رفیق بک لایتغیر . . . آغیر بر حیات . . . شایان امثال
 بر وسعت . . . ینکه مه کلنجه - متغیرانه - بوکا جواب ویرمکدن
 عاجزم؛ چونکه هنوز کورمدم . . . او آنی، غریب بورغاز
 سیاحتندن صکره بر قاچ کره کیتمشدم . . . صانکه حل اولنه مار

بر معما ایله مشغول کبیدی. بر آز سرت ، بر آز دیاسزا!
مجیب

- شېهلی بر نظرله -

— نچون عجباً؟ جیغاره ایچمیورسکیز! . . صحیح ، سزی.
ضعیفله مش کوریورم!

شکیب

- متفکرانه بر جیغاره یاقه رق -

— او یله می بولویورسکیز؟ . . آه اوت، بر آز خسته ایدم.
صوکرایکینسق بر حیات؛ آقسرایک چامورلو کورولتوسی . .
سزک ایچون سیاحتده دیورلردی، طشرده ایمشسکیز؟

مجیب

— اوت . . از میره ، بیروته قدر بر سورونوش! سزک
کبی بنده خسته لاندیم؛ اولمک اوزره ایدم. - کوله رک - نصلسه،
ایشته یاشایورم. او یله بر نقاھت که . . یاغموره طوتیلان سیاحلره
بکزیورم، ایشته بوراده بتون بر یاز کیمیکرمی ایصیته جغم . .

شکیب

- دالغین -

— چوق اینی ایدرسکیز! . . آیاغه قالدقهرق - فطع بزی ده
اونو تمیک! . . سزی تیزدم طرفندنده دعوت ایدیورم. بر
کون آنسزین زیارتکیز قیزینک وفاتیله جدآ اختیارلایان بروالده یه
صانکه آخرتدن بر خبر اوله جق . .

محب

- آياغه قالمه رق -

- بوقدر چابوق ! ..

شکيب

- يارده سوسنی ايليكليه رك -

- اوخ، تشكر ايدهرم ، عرض ايتشدم؛ ذاتاً بر آز تشرف
ايچون .. - كوله رك - هم آرتق « كيتر » كز كشف اولندی ؛
تعييز ايديله حك كز دن امين اوله بيلير سگز .. - قيويه توجه ايدهرك -
عمجه ماله، ينكه مه سلام سويله يه يم می ؟ اوناری زیارت ایتیه جكميسگز ؟ ..

محب

- تشيع ايدهرك -

- اوت .. عرض احترامات ايدهرم .. بالخاصه تيزه كزه ،
كندیسیله همدرد اولديغمی ، برقاج ساعت برلكده آغلامق ايچون
كله جكمی سويليكز ! ..

- سالاملاشيرلر . محب ديشاری يه

قدر تشيع ايدر؛ عودتنده برمدت

متفكرانه كز ينير .. ماصه اوزرندن

قوطوسنی آله رق برجیغاره یاقار . -

محب

- بزدن سيلکينه رك -

- بوزیارتی بر آز معنیدار بولیورم . . . - دوشونه رك -

شکيب، بوراده ..! تخفستك مجيب! بوندن طبيعى نه اوله بيلير ..؟
 عمجه سنى زيارته گلش . . . - بر شـخص خيالى به جواب
 ويرر کي - بو قدر ساده مى بوليورسکيز ؟ . . بالعکس بو بنى
 اوزييور . . او صوڪ آقشامى خاطرلا ..! بيخان بندن بر آرز
 اول کلن شکيبدن بحث ايدىيوردي . . - متهورانه - ماعون ..!
 او حالده ! . . - خيزلى خيزلى يورويه رك - اوخ مضطربم ..!
 بوشبهه بينمى ياقيور! .. - بردن طورهرق - آه بدلا! سکا نه؟ ..
 سن ، که آرتق هرشيئه ، باخصوص اوکا وداع ايتش دگليدك ؟ بو
 پك بيوك جنت اوليور مجيب !

- ماصه اوزرندن بر غزنه
 آلارق اوقومق ايستر -

- صحيح بر مناسبت ! . . دمين دقت ايتدم : اوندن
 بحث ايدرکن . . بيخان بو رزالتى ارتکاب ايتـديمى عجباً ؟ . .
 او قدر حريص ، خيالى بر قادين ! - آه بو ممکنى ؟ . . اگر
 صحيح ايسه ؟

- يومروقلرينى صيقار ، صوڪرا
 بردن آلاريني بي تابانه يانلرنلريسته
 صاليويرهرك -

نه نسبت ، نه حق ، نه صلاحيت ياربى ! ؟ . - شدتله -
 نچون مجيب؟ .. اويله بر نسبت ، برحق که کيمسه به راجع اولمه مقله
 برابر آلکده کي بريغيغن خاطرات ، بريغيغن ماضى ايله ، هله صوڪ

آلديڭك دعوتنامە ايله سكا . . دها نسبتى واردر - آجى آجى
 كولەرك - اوو! . . اوو! . . پك ايلهرى كيديورسك، مجيب
 بك! - آلندەكى غزتهنى آتەرق - سوييورمىم حالا؟ . . بو
 پنجه دها قورومدىمى ياربى؟ - بردن تحوللە - نىچون؟ نه
 اولاق احتمالى وار؟ . . يئنه تحوللە، زبونانە - آه سقىل قلب،
 ملعون خلقت! . . جنوار! . . دوشون اونى كه دها وجودى
 صوئومدى، . . احتمال، دها جان چكيش-يور . . سكا حرمتك
 يوق، فقط او مزارى تقديس ايت! . . بر محراب كه اوكا توجهه
 سجبورسك! . . زواللى نویره!

- دیرسكنى ماصه اوزرينه دايابه رق
 باشنى آلارى ايچنه آلير . . . بر
 مدت بو حالدە قالير . . بوسره ده
 قپ-و آچياور: يوزى اورتولى،
 سياه چارشافلى برقادين كورونور؛
 اولاً مجيبى تماشا ايدر؛ صوكرا:
 محترز آديملرله اىچرى يه داخل
 اولور . —



اوچنچى مجلس

« بيخان ، مجيب »

مجب

— وضعيتنى محافظه ايدىدرك درشانه —

— ماري ، نه ايستيورسك ؟ . . . نى آرتق راحت براق ! . .

سكا احتياج اولورسه چاغيرم ! . . صوگرا ، كيمسه يه ، آ كلا .

يورميسك ، قپوي كيمسه يه آچيه جقهك !

چارشافلى قادين

— تيتريك بر سسله —

— بكاده مى مجيب بك ؟

مجب

— متحيرانه باشنى قالدردرق —

— آ . . . ! . . . كرى كرى چكيلهرك — بر خيال ! . . .

— متردانه — بيخان ! . . . قادين يردن حركت ايتمز ؛ تيتريديكى

حسن اولنور . متردانه — بيخان ! . . . قادين دوعرو ايلروليهرك —

فقط سويايك ، رجا ايدرم ! تحمل قالمديغنى كورميورميسكز ؟

چارشافلى قادين

— تيتريك بر سسله —

— اوت بر خيال ، كه قپوكنزه نصل چاله جفنى دوشونهرك

ياقلاش . . . تصاف اوكا يارديم ايتدى ؛ ماري بي اوراده

کندیسی بکلیور کی بولدی؛ طانیندینی ایچون حضور کیزه چیقمسنه
 مساعده اولندی .. پچھسی قالدیردق - خاطرہ سز برأولو !
 عجیب

- حیرت و محبتہ قوجاقلایہرق -

— یمن ایدہرم کہ قلم شہادت ایدیوردی... برقیرلانغیچ یوواسنی
 طانیزی ؟ - کوکسنہ باصدیردق - سن بورانک، بوچولک یکانہ
 کولکسی دکلیمسک؟.. سنسز یاشامق قومارہ کومولک دکلیدر؟..
 ہم سنی بورادہ کورمکہ او قدر آلیشمشم کہ .. ایشته حتی بوکون
 بازار ایرتسی .. مطلقا کلہ جکدک ؛ بکی تأخیر ایتشدم !

بیخان

- متأثرانہ -

— صحیحی؟.. حالبوکہ بن، کندیمی پک بدبخت بولیوردم.. کولہرک-
 بلکہ برمنار قاچغینی، برچہارشنہ قاریسی معاملہ سی کورہ جکی
 ظن ایتشدم.

عجیب

- سرزنشکارانہ -

— بیخان... بیخان!.. نانکور دیمک ایستہم، فقط
 ظالمسک!.. کولہرک - ایشته باق کولیورم... سکااشمئرا-
 زیلہ کوسترسیدم بو برأولو تقاضی اولوردی! بوسہ لرہ آلیشدیرد-
 یغک دوداقلرم سنی تقدیس ایدر!.. باشم لیلک یوواسی دکل،
 سریر حشمتیکدر!.. او حالہ؟.. تکرار قوجاقلایہرق -
 اوخ شقہجی !

يخان

- مجيڪ قوللرندن صيريله رق -

— شمدى ، برآز مساعده ايت اولا چارشافى
چيقاره يم خايجانم بنى او قدر يوردى، كه مكدرا نه
تبسم ايدرك برآز ضيفلامش، برآز اختيارلامشك ! . . .
يالكر بوقدر يوقسه هپ مجيب ! هيچ برشى ده كيشمه مش !
- اطرافنه كوز كزديره رك - صالون ، اوصالون پرده لر ،
صاندايله لر ، بتون اشيا هپ او اوچ سنه اولكى روح ، اوچ
سنه اولكى ضيا

- چارشافنك باغلىرى چوزر ؛

چارشاف بر ييغين حالنده ديزلرينه
قدر اينر؛ قادينلره مخصوص بر
سرعتله ايلرى به آتهرق -

— ماري ! مجيبه خطاباً - بونى تكرار نصل بولديكنز؟

- ايجرى به كيرن ماري به معنيدارانه كولومسيهرك - نصلسك

مارى ؟ مجيبه خطاباً - ماري هيچ ده ده كيشمه مش . . .

مارى

- كولهرك چارشافى طوپلار -

— بك افندى بنى اونوتمازلر - مجيبه خطاباً - يمك ؟

يخان

— يوق يوق برآز صبر ايت ! دكلى مجيب ؟

— ماری باش اُكەرك چیقار —

— آینه‌یه بر نظر سریع عطف ایدەرك — بی نصل بولیورسك؟ ...

مجیب

— قیصیق و تیتەرك بر سسله —

— شایان حیرت درجەده کوزل ! . . . بر غنچه کی تازه

و دلبر ! . . .

بیخان

— کولەرك —

— او، اکلنمە ییکز ! . . . مەكدرانه بر صاندالیه اوزرینه

اوطوره رق — ایکی کوندر بوراده سکز دکلې ؟ . . . سیاحتدن نه

زمان عودت ایتدیکز ؟ . . . بیرونده مکتوبی آلدیکز می ؟

مجیب

— آ، اوت ! . . . بو حالا بره عماما ..

بیخان

— کولەرك —

— نیچون ؟

مجیب

— بر آقشام غارسون اوستنده کیمه مخصوص اولدیغنه دائر

بر حرف بیله بولنمین بر ظرف کتیردی ؛ متحیرانه آچدم •

سندندی • • فقط بنم اوراده بولونشم نصل بیلنیوردی • • شوکرا

پوسته ایله کلمه شدی ؛ اوزرنده نه مهر ، نه پول واردی •

اوحالده بكا نصل واصل اولمشدى؟ ... اولاسنىك ده بپروته
بولنديغىكه حكيم ايتدم . فقط بوجوجو قجه بر مطالعه ايدى . .
قابليدى؟ غارسونه مكتوبى كيمك كتيرديكىنى صوردم ...
شخصنى ايجه خاطر لايه مدينى بر اوشاق ، ديدى . بوتون بوتون
حيرته قالد .

يخان

- كسيك بر قهقهه قويارهرق -

— آا عثمان .. هانى وقتيله بزده ايدى . . بپروته
بولنديغىكزى ده بكدن ايشيتدم . . واپورده تصادفاً كوروشديككز
بر ذاتكه سزه ازميردن بپروته قدر رفاقت ايتمش . . صوكر
بوراده ينه تصادفاً بر بيراهانه ده رفيق بگله كوروشمشار . .
اوسياحتى حكايه ايدر كن نصلسه اسمكز كچمش . . بك بالطبع ،
خير غريبدر ، مراق ايدرك تعميق ايتمش : هانكى اوتلك هانكى
دايره سنده اوظوردىكزه قدر او كرمش . . . بك مايوس
ايمشكز ! — كولهرك — بك بوسوك نقطه دن بحث ايدر كن
سزى مضطرب اولمقده بك حق سز بوليوردى . . فقط بن ،
آزقالدى بتون موانى قيره رق بپروته جان آته جقدم . . اوله جق ،
تام بو بحر انلى زمانده بكا الله عثمانى كوندردى ؛ بزه وداع ايچون
كلمشدى . . . ما موآا بپروته كيدن بريكباشينك خدمته كيرديكىنى ،
يھينده كيدم جكارينى سويليوردى . سونجمدن تيره دم . در حال
كاغدى يازدم ؛ اقامت ايتديككز اوتلك اسمنى سويلدم . .

بالخاصه سزى كوره جك ، نى خبردار ايده جكدى . . .

مجب

— منتدارانه —

— اوت . . . بر خضر كې امداد مه يتيشديكز . . . ياس
بردمير پنجه كې بينمى او يو يو ردی . . . حيتى قوقش برعش كې
اوموزمده طاشيمقدن اوصانمشدم . . . بورادن، يالکز اوزاقلا-
شمق ، قاچق احتاجيله واپوره بينديكم زمان معنويتم صانكه
اويوشمىدى . . . بركون بريکجه نامتناهى، ساکن برده کز اوستنده
كوكلرك، بيلدزلرك صافيتى ايچنده آفق نى تسلى ايدر كې اولدى.
ازميره چيقدم . . . كونارجه صانكه بر ييغين سياه ازدحام ،
سسدن، هيولادن عبارت بر خلق ايچنده سرسم، دربدر ياشادم .
ياشادم ديورم . . . اوخ، نه قدر نسبي، شخصى بر تحسس!
— مكدراڼه باشنى صاللايهرق — ياشادم دكل، سوروندم . سڦيل،
نى حضور، وارلقدن زياده عدمه عائد بر حيات ! . . . قارانلقده
اوافق بر مازغالدين كان ضيايه قوللارنى آچهرق، يوكسان بر نبات كې
كوفلو، صولغون، بى محال . . . بر مبارزه . . . بر تابوت صالينتيسى . . .
بر فريادا . . . اولمهك ايچون يمك، ايچمك، اويانيق قالمقدن عبارت
بر معيشت . . . براداي مظلوم . . . هله محيط! محيط! .. بر طاش كې قاتى ..
خودبين، صوئوق . . . شمهلى . . . فقط بوهيچلاك بتون ياسلرمى
دوشونجهلرمى ، قلبمى اعاده ايتدى . بونالدم . تكرر واپوره
بيندم . . . كونارجه فورطنلر ، اولوملر ايچنده يوو ارلاندى . .

کیجه نك قويوقار انلغنده کوپوره کوپوره یوکسه لن، اوغولدايان ده کیزه
 باقه رق قاج کره لر بودالغه لرا بچنده دیکانمک هوسيله بی حضور قالدیم ..
 زواللی احمد افندی ، رفیق بکه بندن بحث ایدن ذات .. برپر
 شفقتیه بر چوجق کبی بی ترصد ایتدی ؛ بلکه او زمان بنجه
 بر سعادت اوله جق سوء قصدلر مه مانع اولدی ... حیات حقیقیه دن ،
 حسیات نجیبه دن ، وظائف خلقتدن بحث ایتدی .. آغلامقه
 مقابله ایتدم ... آه ای صوک تسلی ، صوک مایجا !! ..
 یخان - متأثرانه -

— زواللی مجیب !

مجیب - آغلایان برسله -
 — اوت زواللی مجیب ! .. - ایچنی چکهرک - بیروتده ده
 یزار قالدیم ؛ اوراده ده اوهرج مرج معیشتدن ، انسانلرک او بیتمز توکنمز
 احتراص اتندن اوزولدم ؛ ملالی هیچ برشی رفع ایده میوردی .
 آرتق ایچمکه ، کندمی غیب ایدنجه یه ، معنویتمی اولدورونجه یه قدر
 ایچمکه باشلادم .

یخان - حایقیره رق -

— مجیب !

مجیب - دوام ایدهرک -
 — آرتق کهنه برعیاش کبی اوکده شیشه قارانلق بر ایشیاتی
 ایله عصرلرک خلیاسنی کولومسیوردی ... قدح ، صانکه برنشئه
 ایدی ، که جانلانیردی ؛ اوکده آتشین ، جوال بر عالم ،

کائناته سجده لر ایتدیرن بر فلسفه واردی . افقسنز بر ده کین
واردی که قدح لر ، شیشه لر آراسندن قیرمه دن ، ددورمه دن ،
باطیرمه دن کچهرک ، احتیاطله آقهرق روحنواز بر زمزمه اولوردی .
اسپیروطو یاواش یاواش بینمی چوروتدی ؛ حساسیتمی ابطال
ایتدی ؛ بر حیوان کبی کونارجه قانلی بر بخار ، مههم بر جریان
ایچنده بی هوش قالدیم . نهایت سینیرلرم بوتضییقه تحمل ایدهمدی ؛
برهزیان دماغی ایچنده ایکی آی اسیر فراش قالدیم . . .
— ایکلیهرک — نه سفالت آللهم ! — یخنک هینچقره هینچقره
آغلادیغنی کوره رک -- آغایورمیسک یخنک ؟ — کولمکه چالیشهرق
— بنسه بر آز اول برملک کبی سسسنز بورایه کیردیککی کوردیکم
زمان آرتق بر دها آغلامیه جغز دیعشدم . — قوجاقلایهرق — سکا
اضطرابمی ویردم ؟ آه دلی !.. کوردکی شمدی یاپدیغم ایشی ! . . .
زووالی یخان !

یخان

— کوزلرندن آلی چکهرک —

— بالعکس زوالی محیب ! اوخ ، بیاسه یدم ، بیاسه یدم ، که . . .

محیب

— ینه بیامش کبی اولدک ! . . . لطفنامهک بکا تازه بر حیات ،
تازه بر شوق ، تازه بر تسلی ویردی . . . اوقدرکه ، ایرتسی کون
دوقتور امیدسنز خسته سنی کورمه که کالیدیکی زمان چهره سنده کی نشئه
حیاته باقهرق اون ایکی ساعت ایچنده کچن سحر آمیز وقعهی

تعمیتده متحیر قالمشیدی. . . حرارت آزماش ، دوران کسب
 انتظام ایتشدی . ایشته خارق العاده بر حادثة طبیه، دیووردی .
 حتی، اکی، اکی، مؤثر، شمیدی به قدر کشف اولنه مامش بر اصول
 تداوی ایله نهایت اوج آیده آلنه حق نتیجه ، تأمین اولنه حق
 موفقیتده آنحق بوقدر اوله بیلیدی . اوت، اوج کون صوکره
 اوله جک یرده اون کون صکره سیاحت ایده بیله جک قدر حیاتی
 قازانمشم . . . نهایت . . . قلم امید لرله . ذوق حیات ایله ،
 بالخاصه سنکله دولو، ایلاک پوسته ایله حرکت ایتدم - کوله رک -
 خیر اوچدم . . . - بر لحظه توقفدن صکره - بورایه کلدیکم
 زمان ایلاک ایشم مسعود زمانلر منی صالایان بوکوچک بشیکی
 آرامق اولدی . ایشته ایکی کوندر بوراده یالکز اندیشه
 ملاقاتکله ، فقط هر حالده مسترج یاشایورم . . . بوراسی او یله
 بر محیط، که صانکه بتون کچمش عصرلرک اذواقنی طاندیر یور . . .
 شمیدی بر نقطه ده : کلدیکی بوراده بولندیغمی زه دن خبر آلدک؟
 یخنان

- یاشلی کوزلریله کوله رک -

- هپ اسرار انکیز دگلی ؟ . . . کاغدی آلیز آلاماز
 عودت ایده جککه اوقدر بیوک بر اعتقاد واردی، که . . .
 ینه عین اعتماد ایله تخمین ایدیوردم : مجیب ینه بو یو واجفه
 کله جکدی !

مجیب

- شفیقانه -

— کوزل یخان !

یخان

— متبسمانه —

— سندن برهفته اول بورایه کلام ؛ ماری پی بولدم . . .
یچاره ، ینه قوجه سندن شکایت ایدیوردی . سنک بر قاج
کونه قدر کله جککی، ینه اسکی اوده اقامت ایده جگمزی . . .
فقط کلدیکی در حال بکا خبر ویرمسنی آکلاندم . بو خبر
دون کلدی . . . همان قوشه جقدم . . . مع التأسف وقت او قدر
کیچ ایدی که . . . قوللرینی مجیبک بوینه دولایه رق - ایشته
بو کون . . . - بردن تحوله قوللرینی چکک رک اندیشه کارانه -
صاندالین چیقدیغ زمان کیمه تصادف ایتسم بک نیرسکز ؟

مجیب — حایقیره رق —

— شکیمه می ؟

یخان

— آ . . . نصل بیلورسکز ؟

مجیب

— بر آز اول بوراده ایدی ده . . .

یخان — صاراره رق —

— آمان یاربی ! . . . بنی قورقوتیورسک ! . . . بی تابانه
قوللرینی یانلرینه براقهرق - او حالده . . . پک فنا بره وقعه یز ! ..
مجیب — متلاشیانه —

— بورایی او کرندیکی ایچونمی ؟

یخان — بی تابانه —

— آه . . . اوت ! . . . فقط او یله شیرده وارکه ! . .

مجیب — متلاشیانه —

— ایضاح ایت !

یخان — تیردک، کسیک برسله —

— صوک کیجه نی خاطر لایورسک دکلی ؟ . . . اواقشام سکا

شکیبک ادب سزلکندن بحث ایتشمدم ! . .

مجیب

— ملعون !

یخان — یورغون —

— ایشته او وقعنه صوکرا ازعاجانی تکرر ایتدی :

کاغد یازیور ، شایان حیرت بر جسارتله بورغازده کلکدن

چکینمیوردی . — مدهوشانه — هله بر رزانتنامه سنده . . .

نویه، قتل، سببیت، بالخاصه مناسبتمز تهدیدیه تکلیفاته موافقت

ایتمدیکم حله . . .

مجیب — هیجانله —

— آه آلچاق ! . . .

یخان — مضطربانه میریلدانه رق —

— نه یاپارز یاربی ؟ . . . بی کوردیمی بیامم، که ! . .

مجیب — کسیک کسیک —

ایدیورسک دگلی ؟ . . کویا ، سکا سویورم دیدکجه قابمدن
 آغیر بریوک ، مدهش برتضییق قالدیور ! . . - مکدرانه باشنی
 صالایه رق - اینان ، بوسعادته مستحقم ! . . بن سومک ، سولک ،
 هله تقدیر اولنق ، یاشامق ایچون دوغمش برقادینم . . - آغلایان
 برساله - فقط اک خسیس ، اک مستکره ایشارده قولانیامق
 اوزره صاقلانان برپاچورا کی خوار ، سفیل قالدم . . - مجیبک
 باشنی سینه سینه باصدیره رق - قابمی دیکله ! . . متدارم سکا !
 سویورم سنی !

مجیب - مست حظوظ -

- سویله ! . . دائما سویله ! . . صانکه حیاتی برنفعه حالنده
 قوقلیورم . . . زوالی مخلوق ، اوقدر علویسک ، که . . . صانکه
 برقوت ، برسحرسک ! فیکرمی ، جسمی ایجاد ایدیورسک ؛
 دماغمه ، قابمه متانت وبریورسک ! یمین ایدهرم ، اینان بوصوک
 و ابدی تلاقی اوله جقدر . ایشته آرتق کدر ، یأس ، قورقو
 حس ایتمیورم ! یاشامق ایستیورم ، آکلیورمیسک ؟ . . . اوقدر
 چوق یاشامق که سکا ابدیتک لسانیه تعبد ایدیم !

- مست غرام ، مسلسل برایکلتی حالنده -

اوخ . . . قادین ! . . قادین ! . .

- برمدت سکوت ایدرلر -

یخنان - متفکرانه -

- شمدی . . . قرار ویردم ! . . استقبالی تنظیم ایدم ! .

سویله باقیم ، نه دوشونیورسک ؟

مفتونانه - عجیب

- سنی !

بیخان - ایلله ته‌ید ایدرک -

- بر آز جدی . . بر آز جدی !

عجیب - بوینی بوکه‌رک مفتونانه -

- سن سویله ! . . سن تنظیم ایت ! . . کائناتی آلت اوست

ایدن کوزل پارماقاریکک مهارت حاکمانه‌سنی کوسه‌تر ! . . بن ،

یالکیز بوزولماز ، آشیناز بر ماکنه کی اجرا ایدیم ! . . مثلاً ،

فرار « ده ! . . دنیا اوقدر بیوک ، که هنده ، چینه قدر . . .

امریقایه قدر . . ده کیزک بیتدیکی ، سهارک سوندیکی یرد قدر

کیدلم . . . مثلاً : طبیعتک اک معصوم بر یرنده برقاج ساده ،

ظریف قولبه‌دن عبارت برکوی . . یاخورد کیایمانجارو آنکله‌رنده

بر مغاره . . . غائر کنارنده بر این . . . هیالایاده بر قوغوق . . .

سیلانده بر پاغود . . . وحشی صاف و صمیمی بر حیات

ایسترمیسک ، سویله ؟ . . یاخود اوزاق بر شهرک شمس آباد

بر گوشه‌سی . . . اوفای ، کوزل بر یووا ! . . سویاسه‌که ! . .

بیخان

- مفتونانه -

- کوزلرمی یاشمارتیورسک ! . . - کوله‌رک - اوقدر

اولدوریمچی بر تکلیف ، که غریبدر ، یاشاتیور . . . - جدی بر

طرزده - اوف ، آرتق اسکی سرسری ، تصادفی حیاته عودت !

برده وجدان ! بوحال جنتده بیله اوزن انصافمز ! . . رجا
ایدهرم ، جدی قونوشلم ! زمان اولیورکه کندمدن نفرت
ایدیورم . . . نچون بو اکره تی صاچلری طاشیالی ؟

محجب

— عالی جنابانه —

— سوزلرمی لطیفه صورتندرمی تلقی اییدیورسک ؟ یمین
ایدهرمکه ، خیر ! . . سکا بوندن اوج آی اولده سه ویله مه مشمی
ایدم ؟ . . آه اوزمان شیمدیکی قدر فداکار اولسیدق . بوکون
بو قدر خراب اولمازدق ! . . کشکه یاربی ! — ایکلیهرک — نچون
بو ، بویله اولدی ؟ زواللی نوره !

بیخان — مایوسانه —

— شمدی ! . . .

محجب — متفکرانه —

— بنده او طرز حیاتی قبول ایدهم ! . . بوندن سنک قدر
بنده متفکرم ! سویله ! . . نه یامق ایسته یهلم ؟

بیخان

— آغیر برسله —

— دیمک جدی ! . . پکی ! ایشته اوج سنه در دماغمی که میرن
فکر : فزار . . . وازدواج ! . .

محجب — ممنونانه —

— نه اعلا ، نه اعلا ! . . صانکه بی ترجمه اییدیورسک !
شیمدی ، تعیین ایت : نره یه ، نه زمان ؟

يېڭان - كولو مسيه رك -

— ايكي كون صكره . . اولمازمى ؟ . . . ايلك حركت .
ايدەجك تيرەنە ، واپورە ، آرابەيە بينرز . . . جەت ، محل بىجە
حائز اهميت دكل . . جەنمە بيلە راضى يم ؛ فقط بوحياتە دكل ! ..
نە دييورسك ؟
مجيب

— كمال منته ، اوت ! ايكي كون صكره امرە آمادە بولنە جغم . اوافق
تفك ايشلرم واركة . . . او زمانە قدر سنده . .

— ديشارده كورولتى ايله قپولرك
آچيلديغى ، مارينك يوكسك سسلە
بر شمار سويلەديكى ايشيديلير —

يېڭان

— يارى بايغين —

— صوص !

— ص-وك درجه بر قورقو ايله
ديشاردهكى ، كيتدكجە ياقلاشان
صدالرى ديكارلر —

قالين و بوغوق بر سس

— ديشاريدن —

— كيمك اوى اولورسه اولسون ! . . قاقچيل اورادن
باقه يم !

مارينك سسى
— بورادە اويلە آدم يوقدر افندم !

قالین مس

- حد تله -

— یالان سویلیورسک! بکا اوقدر کوزل تعریف ایتدی لرکه ..

- مکالمه آ کلاشیله مهین بر کورواتی.

ایله دوام ایدر -

بیخان

- تتره بهرک -

— زوجم! .. - استمداد کارانه - مجیب!

مجیب

- صیتمه لی بر حالده -

— یانده کی اوطه یه کیرسهک!

بیخان

- متجاسرانه ، نفر تله -

آه بو ماسکه! . خیر .، آرتق بودنائتی قبول ایدمه میه جکم!

سربست بر نفس بر آن ایچون اولسه ده حیات ده کر!

مجیب

- اصرار ایدهرک -

— فقط کور میورمیسک؟ - ایکلیهرک - بیخان!!

بیخان

- آجی بر تبسمه -

— بی اولدیره جکندنی قورقیورسک؟ زواللی یه بهتان

ایتمه! . . رفیق بک او یوره کدن ده محرومدر . . بونلر او یله

آدملردر، که .. امین اول! فقط سن! .. رجا ایدرم، کندیک
محافظه ایت! .. کوره جکسک، که .. شیمدی قپونی آج! ..
مار یه ...

- شدتله آچیلان قپو اوکنده
رفیق بکی کوره رک، بونغوق بر
سسله -

— آی .. !

- صاندالیه سندن قالمق ایستر؛
صرعوی بر حالدینه یرینه دوشر.
محیب دیوارلره طوتونه رق
کوزلری رفیق بکه مرکوز،
مدهوش قالیر -

دردنجی مجلس

« بیخان، محیب، رفیق بک »

رفیق بک

- بر مدت مجنونانه دینه بیله جک
بر حالدیه متحیر قالیر؛ ایچری یه
بر قاق آدیم داخل اولور. بر لحظه
صو کرا، کندیک دینه میریلدانی
کبی -

— صحیحی ؟ . . اینامق ده کوچك چكیورم . . شكیك
 حقنی تسلیم ایتمك ممكن دكل! . . . شیمدی آكلیورم .. اوغلانك
 حق وارمش .. مجیله ینكسنى . . بو منظره قارشیسنده برآز
 جسور اولمق ایجاب ایدر .. دیمك بنی سوق ایتسنده سبب وارمش!
 — یقینده کی صاندالیهیه آز چوق
 متانتله اوطوردق متفكرانه —

ناموسلی و متین آدمارك نصل حرکت ایده جكنی بیلیرم . .
 كندیتهكل، قوجهرفیق! .. بواویونی، سكا اولکی قارك ده اوینامشدی!
 سن مقدراتك اكلنجه سیسك! او حلدن سنده اونكله ، متانت
 كوستررك اكلن! .. — مستهزیانه — وای مجیب بك اوغلن
 وای! .. حالكزه باقانلر دوشوب اوله جككیزی ظن ایدرلر ..
 برآز بنم کی بولنسه كزآ! .. هم نیچون قورقورسكز؟ بدایت،
 ظن ایدر میسكز كه شو نهایتدن دها قورقونج اواسون؟ مع
 مافیه حقكز وار: سزك كروهكزده ، سز قبالده بالدیری
 چبیلاكلر ، سزك کی عادی خیرسزلر یاننده باشلامقده یتیرمك
 آراسنده بر فرق اوله ماز! جنایتله كورهك قارداشدر . . .
 صوكر اذكا كزی ، آچیق كوزلولك كزی انكار ایتك قابل
 دكل! .. بریسی ، زواللی نویره ذاتاً هر کون باندیغكز بر
 چاناقدی . . . صوكر ا مطلقا كویكلككز غالب كادی؛ — یخانی
 كوستردرك — شو یالاقدن ده یالانمق ایستدیکز!

مجیب

— مجنونانه ، كسیك بر سسله —

— جنایتمی سزدن اعلا تقدیر ایدنارده نم . . . فقط . . .
کورییورسکزرکه . . . اما وظیفه کز ...

— جینندن کوچک بر روولور
چیقاروب اوزانه رق —

أولدورمکدر!

رفیق بک

— کیس کیس کوله رک —

— نصل ؟ او بنم بیله جکم ایش ! . . هم سزده
کورییورسکزرکه سزی ألدورمک نیتنده دکلم ! . . چونکه،
باقک نه حدتلی ، نه ده مجنوم ! . . یالکز تحدیث نعمت قییلندن
بر قاچ سوز سویله مک ، — مستهزیانه اوکسوره رک — ناموسکزه،
اصالتکزه آلداندیغمک آجیسنی چیقارمق ایستم . صوکر،
سزه بر آزده مغبرم: سز وسعتده یارادیلانر، حتی همشیره لرنی
استقراش ایتدکاری دوشونیلیرسه ...

محیب — کله لری ایصیره رق —

— رجا ایدرم !

رفیق بک — لاقیدانه —

— سنه لرجه ناموسیله ، عفتیله شهرت بولمش برعائله نک بتون
قادینلرنی ماعون نفسکزه، یالکز نفس ماعونکزه حصر ایدیشکز،
برنی نکاح ایتمکله هپسنی مباح کوروشکز ایشته بوجی
تخریب ایدر. مثلاً قورقیورم که همشیره م، قائن والده کز

محیب — ایکلیه رک —

- بيليرسكزكه هر شيئك بر حدى وار ... حقكز قارشى

تعرض ايتمك .. تربيه منافى حر كتمده بولمق ايستهم ! ...
رفيق بك - مستهزيانه -

- هانكى تربيه ؟ قوزوم، شونى لطفاً سويليكنز ! ..
سزجه والديه ، همشيريه ، تعرض ايتمك تربيه مى عد اولنور ؟
نه كوزل محاكمه ! .. نه مدهش بر مكتب محصولى ! .. هم ،
صورارم سزه ، سز بالذات هانكى تربيه ، وجدانه ، حقه استناداً
كنديكنزده سوز سويلك ، مدافعه ايتمك جسارتى بوليورسكز ...
اولمه مك بر سعادتكن ! ...

محجب - كسيك كسيك ، مستهزيانه -

- كيم ديمش ؟ .. سزه شيمدى ، حتى روولوريمى تقديم
ايتمشم . قلبكزده ، اوشبه ايتديكنز قلبده ذره قدر ممانت
وارسه ايشته ينه - روولورى اوزاتهرق - بنى اولديريكنز ،
ديورم ! .. يوقسه ...

رفيق بك - مستهزيانه -

- يوقسه ... سزى بنى اولديره جكسكز ؟ ... ياووز
خير سز او صاحبنى باصديرر ، ديرلر . هايدى باقلم ؛ بر آز
اول قارىسيلاه اوينا ديفكنز آلريكنزله قوجه سنى ده اولديريوريكنز !
صحيح ، سزدن هر شى اميد اولنور . (جديتله قاشارينى چاتهرق)
سن حقيقهً بك عادى آدمشسك ! ... ايشته بوندن صكره سنى
سوز سويلكن منع ايديورم ! .. وسويلرسك - جيبنندن
روولورينى چيقارهرق - سنى ايشته اوزمان اولديره جكم ! ..

يالکىز سوزلر مه جواب ويره جگىك . . . ا کايورميسك ، نه
صورارسه م دوغرى ! . . .

بيخان - بوزولديكى قولنوقدن ،
تيتردك برسسه -

- بكا سوريكز ! . . . چونكه مجرم بنم ! . . . امين اوليكز ،
بتون قباحت بنده در . . . بنى اولديريكز ! . . . بيایرميسك ، بو بنى
نه قدر منتدار ايده جگدر ! . . . سسى قيصيلير ، آغلاديني اكلانيلير -
ايسترسه كز سنر صورمه دن بن جواب ويره م ! . . .
رفيق بك - متحيرانه -

- يا ! . . . صحيح سن بوراده ميسك ؟ . . . ماعون ! . . .
- ميريلدانه رق - بن ايسه دها هرشيئى مشكوك بوليوردم . سسكى
دويمه سيدم . . . سنى بوراده يوق ظن ايده جگدم . . . ديمك ، اعتراف
ايدىورسكز ؟ ديمك صحيح ؟ . . . - ديزلرى تيتيره رك قالفار ؛
روولورنى جيبنه قور -

بورايه كيرديكم زمان حتى تلاشيكمز ، تغيرلريكز اولمىدى ،
يك طبيعى بوله جقدم . . . ايكيكزى بريده كورمكه اوقدر
آلشمه شدم . كه . . . مثلاً ، سنى زيارته كلش ، ديهه بيایردم . بويله
ايكنجى دفعه جداً مشكل ، اليم مناظره تصارف ايتك انسانده
متانت براقبور ! . . . ايلك او كجه شاشيريركي اولدم (بيخانه خطاباً)
حتى سكوت ايتسه يدك ، احتمال عفو ايده جگدم . . . چونكه سنى
اوقدر سوردم ، كه ! . . . چوجقاغكه ده حمل ايتك قابلدى . . .
صوكرابن جداً تميز برآدم ؛ دها هرشيئك محو اولمديغنى ، دها

بلکه تعمیر ایدیه جگنی ظن ایتشدم . شمدی آکلامغه باشایو-
 رم، که دیمک هرشی بیتدی ! .. فقط بو حریف، بو عادی حریف
 دکل، سن سویله بخان ! آز چوق قصور لرمله برابر هانگی
 آرزو که مماشات ایتدم ؟ .. قابمک سکا قارشی ، اوفق تفک
 عادیاتی دوشونمه، نه قدر صمیمی، آچیق، مشفق اولدیغنی بیلیردک؛
 بکا بویله می مقابله ایده جگدک ؟ ... هایدی سنده عادیسک؛
 فقط بو حریفی ، شو یکنمک قوجه سی اوله جق چاقینی انتخاب
 ایتمه میدک ! بر یابانجی بلکه مسامحه اوانه بیلیر ، یا خود طبیعی
 اولوردی .
 (بردن مجینه خطاباً)

چاقین ! .. هله سن بو انتخاب ده پک بیوک ادبمزلک
 ایتدک ! بریک قاتلی ، اوت شمدی تمامیه آکایورم، زواللی
 نوزیه یی اولدیرن سنمک ؛ صو کرا دیکرینک سبب فلاکتی اولدک !
 بن یاربی ، (صاچارینی یولارق) نصل اولدی ده بومدهش
 قومدیایی حل ایده مدم ؟ ... اسکی قورت ، نصل اولدی ده شو
 مردار کوپکک پاریمجه سی اولدک ؟ ... آه بو پک مدهش اولدی ! ..
 — بردن دوره رق، کندی کندی نه
 سویله نیر کی —

فضله تأثرده معنا یوق ! . مستریح اولک ، سزی اولدیره-
 جک دکل؛ چونکه ده کمز سکز ! .. ایشته بو صوک حقمی ده سزه
 باغیشایورم . یالکز بر شرطله : (مجینه خطاباً) سن بورادن دفع
 اولوب کیده جگسک ! (ییخانه خطاباً) سنیکلده بو کوندن اعتباراً
 ارامزه بر رابطه قالمادشدر ؛ فقط شو حریفله ده بر مناسبتک

قلمیه جق! دائماً، سنی کوز تلمیه جکم اگلا شیلدیمی؟ ایشته بو قدر!
اللهه ایصمار لادق! — یاواش یاواش قپودن چیقار.

بر مدت سکوت دوام ایدر —
بیخان — خفیف بر سسله —

— نه قدر قورقردم! .. هله سندن! .. ظن ایدیوردم که
کندیکی محافظه ایده میه جکسک! ..

مجیب — مکدرانه، باشنی صالایه رق —
— ماعون! .. قاب دکل که، بر پاچاورا! .. اواسیدم متأسف
اولیه جقدم .. نه عادی حریف، یاربی! .. حقک وارمش بیخان! ..
— باشنی ایکی آلرله طوته رق —
نه قدر مضطربم، یاربی! .. صانکه بینمده قورشونلر آریور! ..
(آغلیه رق)

سفلیاسک، حقیقتاً ماعونسک مجیب! .. اوح، حتی وار!
حتی خطابه بیله لایق دکل! .. دوغری .. عادی بر حریف کی
حرکت ایتدم .. اوف، صحیح مضطربم! .. بر آز هوا! .. (غریب
بر بحران ایچنده) بر آز هوا یوقی؟ .. بوغولیورم .. کشکه
بوغولسام!

بیخان — متلاشیانه یاقلاشه رق —
— کندینه کل مجیب! .. دلیمی اولیورسک! .. فرارایله
بونتیجه آراسنده نه فرق وار؟ بالعکس .. ایشته ده ایلدیشیکمنز بر
حالدیز! .. حقیقت حیاتی بندیمی او کریمک ایستورسک! ..
نه قدر عادی، سفیل بر حریف اولدیمنی کورمدکی؟ او حالده،

يكا آجيميورميسك؟ . . . اوخ ياربى! نه بدبخت بر قادينم!
استنادسز، كيمسه سز . . . بندن متنفرميسك؟ . . . فضيلتمى آياقلر
آلته آلدیغمى آكليورم . . . (قوجاغلایه رق) فقط هپ سـنك
ايچون!.. صوكرا . . . اك چوق متضرر اولان ده بن دكلى يم؟
بندن بر كلة شكاي ايشيدييورميسك؟ . . . هاه! طبيعى سـكا
مشروع بر زوجه بلا بدل ترك اولونه مزدى! . . . يوقسه بنيمى
اتهام ايدييورسك؟ . . . جواب ویرسك نه! . . . ايسترسك؟
بن سنى ده تعجيز اتمه منك يولنى بيليرم! . . . ايسترميسـك، آرتق
آيريلدم؟ (بر قاچ آديم چكيله رك) صوك بر كله! . . . سويله
سه كه نه! . . . (آغلایه رق) فقط تحمل قالدیغمى كورمييورميسك؟
(بر صانداليه به دوشرجه سـنه)

(اوطوره رق واغلایه رق)

آه، سفيل، ايشته جزا كى چكيورسك! . . . اوت هرشيئه
عسـتـحـقـم! محيب (تيترهك برسـله)

— شيمدى ده سنى يخان؟ . . . (آجى آجى كوله رك)
مستريح اول! . . . بن جنایت ايشار كن بيله متردد دكلم . . .
دمين رفيق بك نه دييوردى؟.. اوت نجه ابتدا ايله انتها بر در .
بو اولجه دوشونيامه ليدى . بوكون نتيجه قارشيسنده انكسـار،
بدلاق اولور . . . هم بوندن سكا نه، سنك نه قباحك وار؟
شبهه سز بوتون اغرارم اوسفيله قارشيدر، دكلى؟ هاه . هاه!
اوت ايشته بن بويله بر آدم (خيالى بر دشمنه خطاب ايدر كى
مقتورانه) فقط ظن ايتـدـيكـك كى والده مه، همشيره مه تعرض

ایتمدم ! نصلده متانتله، اوتانمهدن سویلیور!.. همشیره که تعرض
ایتمدم . . . زوجه که . . . بونی اعتراف ایدرم ، ایشته باقی آغایورده .
برابر یاشایلم ، دیور . . . ایشته بتون ادبسنزلکرینی سکا اعاده
ایدیورم . واونکله برلکده یاشامق ، اخطاریکه رغماًینه بوراده ،
کوزلریکک اوکنده یاشامق صورتیله سندن انقام آله جمع . . .
(بی تاب بر قولتوق اوزرینه
دوشر ؛ بر مدت دوش-ونور ؛
بردن خطاب ایدرک)

بیخان آغایورمیسک ؟ . . . بو کون دیدیکک کبی بریارامدر ؛
قالق چوجقار کبی سوینم ! (یاقلاشهرق) قالق ! . . . بی قوجاقلا
باقیم ! . . . (دیز چوکه رک) بیچون آغایورسک ؟ . . . بی
قوجاقلامازمیسک ؟ (قوجاقلایهرق) دوداقریکی اوزات ! . . .
بر بوسه ، باقی بکا نصل حیات ویریور . . . بن او دوداقر
ایچون بویله بر ایکی دکل ، بیکارجه جنایتی اجرایه آمادهیم !..
بیخان (متردانه)

— خیر . . . خیر . . . دوشون!.. قابکی آ کلامق ایسترم .
بو بنم ایچون صوکرایوکه بر عذاب اوله جق ! . . .
محیط (کوزلرینی مفتونانه بیخانه دیکرک
أللرینی طوتار)

— بی قوجاقلامازمیسک ؟ . . . — او پوشورلر —

صوکه

پارہ غروش

۱۰	خلوقك دفترى	توفیق فکرت
۱۰	صفحات	محمد عا کف
۵	سودا قربانی	بدیع فطرت
	یاخود دبدبہ دلیسی	
۱	استبداد مسخرہ لقاری	محمد احسان
۵	منفیاریاخود فلاکت استبداد	حامی
۷	یادکار محبت	محمد ناظم
۵	صفا یاخود نتیجہ ابتلا	» «
۲	توقونا یا تیمور	علی
۵	ایکی قور قافلر	حمید
۱	اصول محاکمات	حقوقیہ قانونی ذیلی
۱۰	حقوق دول	علی
۸	عشق مرضی	ناظم شا کر

PL
248
B237H3